



89519

聽松濤館詩鈔卷二目錄

鴻泥集上

出門二首

萍鄉道中

舟中遇雨

入醴陵界

暫泊醴陵

姜嶺

過涿口

抵湘潭

昭潭

聽松濤館詩鈔卷三

目錄

草衣道人歌

雙壁塚

中湘遇顏鴻逵周麟峯同年卽贈二首

下長沙

登長沙城

遊鐵佛寺



有故家以褚河南搨本蘭亭求購脫去和暢品類

四字索價五十金終疑其贗舍之然筆勢飛舞

非俗手能爲意公督潭州時所摹再訪之則爲

人六十金持去矣因惜以詩

銅官渚



吳芮墓 二首

賈太傅故宅

定王臺

褚遂良廟

胡安國墓

益陽故城弔古

甘興霸故壘

壓波閣 題

郭上舍蘭亭生子一周矣屬子子之更名式穀戲

以詩

守風洞庭寄蕭大顯光

五十八

聽松濤館詩鈔卷二

目錄

二

過洞庭 二首

登岳陽樓 二首

巴邱懷古 八首

回道人歌

龍女吟

八別離

荊州 二首

弔古 五首

息壤詩

廩君土船

高季興祠

章華臺

優孟謠

踏蹄歌

舟次東平壩

彌陀寺河隄決數十丈壞民舍畜稼無算憫以詩

劉郎浦

出枝江境望峽州

至喜亭

楚塞樓

蝦蟆碚

檢行篋得律本舟中無事偶閱數條效銜尾體

詩下

聽松濤館詩鈔卷二

目錄

三

爾雅臺

黃陵廟

黃牛峽

寄題清溪寺

鐵棺峽

昭君村

巴東寇萊公祠

二十韻

安福阮文藻領榮

鴻泥集

勞勞此去同聲送別之亭得得而來幾遇如歸之館  
卜旋期於釵擲經歲經年聽記里之鼓過如雲如夢  
到處河梁酒幔與我周旋有時山店篝燈借題破寂  
一生道長無非南柁北轅幾字吟成未免東塗西抹  
凡白楚蜀齊豫燕趙吳越遊歷之作彙為一編名曰  
鴻泥集

出門

栖鳥莫戀樹飛去將何之不愁風沙遠但恐反哺遲惻

聽松濤館詩鈔卷一 鴻泥集上

惻委兄弟高堂淚暗垂去恐倚門望不去斷釜炊算程  
過長沙將次花落時  
缺櫛八九年顏為別離老蝴蝶日雙飛暮棲園庭草人  
生動遠行展轉傷懷抱妾強門戶持長途善自保在家  
畏出門登程無遠道

萍鄉道中

春寒格是釀花時撲面風來側側吹壞壁狐鳴蕭史宅  
靈旗隼捲楚王祠樹團雲影鴉如借澗秘蘭香蝶未知  
牧笛漁歌閒自在渡江萍實合詢誰

舟中遇雨

春風吹雨破春晴尼我山程尼水程篷背柁牙跳亂點

空簷簷袂滲殘聲卽看山色都如笑便覺江流不肯平  
今夜定依橋下泊隔洲雙鷺點頭迎

### 入醴陵界

過此一步爭咻咻楚人語于吳爲咽喉于楚爲腰膂

本范成大行程記暮雨隔虹霓春潮界洲浦還爭半日程隱隱

聞戍鼓云胡馬希崇師不邊佛拒地險終賴人鎖鑰北

門戶

### 暫泊醴陵

一江春漲接湘流皺作靴紋碧瀉油城郭尙鑄洪武字

城周三里洪武年間築衣冠齊說狀元洲對治前相傳洲現則狀元出揚湯止

沸晨炊待賣菜論斤益價求不是篙師催打鼓百錢還

聽松濤館詩鈔卷二

鴻泥集上 二

### 挂酒家游

#### 姜嶺

在醴陵縣北俗傳蜀將軍姜維嘗寓此

遠山如新沐美女晨妝靚向問山何名告者云姜嶺仿

佛魏中郎其人父名罔蜀相入祁山師還得士幸寓書

蔣安陽謂其才森挺特授偏將軍中虎步兵領母書寄

當歸置之不復省開口求沓中種麥營退屏不知曾何

時借住雲山頂我聞笑仰天此言同風影毋使伯約聞

聞之應齒冷竟徙天水豪以實長沙境

### 過淶口

入瀧旋出瀧耳畔聲春撞燈閃棗糲店木腥蘆漚砭昭

陵名灘撐怪石淶口合湘江百里包程到風平盪小雙

抵湘潭

此間山水似吾邦望嶽亭前曉繫艘天影河流分翼軫  
市聲風捲落篷窗划船來往如鳧拍擔鼓高低帶羯腔  
客到湖南添日記百錢尺鯉饌連雙

昭潭

在湘潭縣東四十里昭山  
下周昭王南征沉舟于此

君不見七萃南征穆天子右驂赤龍左綠馵盛姬叔姓  
飛車隨遠馳三萬五千里重鎡獻器鰲蜃拜郿伯行觴  
孀奴跪鴿血牛渚瀉長淮天子踞牀雙足洗歸來讀書  
登蒨邱歌詩奏樂頌繁祉胡為昭王過漢濱龍舟不返  
教問水或云渡江遇大兕膠舟液解楚人詭或云天靈  
雉鬼驚負王出水辛餘靡一杯不得依山陵左桑小斂

聽松濤館詩鈔卷二

鴻泥集上三

橫桑死

水經註王渡沔而沒故地  
有左桑斂橫桑死之稱

巡狩方岳百靈趨

鼉為祟胡敢爾鼓鐘淮水聲將將宮音無旋預兆此

韓詩云鼓鐘昭王時所作鄭元於中候握河紀註亦云昭王時鼓鐘之詩所為作沙邱祖龍鮑魚

吹雷塘阿慶螢火紫轍跡偏欲普天行穆滿曾不前車

視闕天時邁詩無聞成康既沒周衰矣雲車風馬自往

來洞庭君山或降止當日果不為盤遊昭潭亦與蒼梧

比

草衣道人歌

五代梁時人馬殷據潭州道人逃巖  
上織草為雨衣因名草衣道人巖在

湘潭治東  
八十里

朱五經兒作皇帝割裂乾坤了鳥敝

表異錄董尋疏曰  
衣冠了鳥了鳥衣

貌敝之此時天意同陰霾披袞當鎧命懸寄潭州竊據馬

霸圖草苦日編吳兵備犬子漸大思咋人高郁見殺失  
退計救火擁簑適自焚不如道人長避世女蘿爲帶薜  
荔裳語邀山鬼善含睇猗雷腥雨眠何知草衣不漏如  
瓦蔽焚香祝天聖人生華山騎驢笑墜地道人應作獨  
速舞頑雲撥開天清霽

雙壁塚

樂籍某戶者買二女年十七八俱婉妙使  
習伎樂不從鍵之二女夜投水死邑宰鞠  
實請於上旌二女塚鐫石曰雙壁無  
瑕而論某罪戾邊塚在湘潭後湖

後湖大道連狹斜門風走水八姨車王孫錦繡停寶馬  
仙姝歌板按紅牙酒闌燭炮游壻醉添香送履廝波誇  
夢梁錄探聽妓家賓客以獻香送盒爲  
由者謂之廝波又妓家謂游壻爲姻嫖  
子欄前啼殺姊妹花啼花泣露雲屏側萬語千愁說不  
得放出煙縷下簾腰却畫蓬蓬繡帳額檀郎泥調銀字

聽松濤館詩鈔卷二

鴻泥集上四

管慘黛媽紅有愁色坐中含態更含嬌陌上相逢誰相  
識縱詡纏頭千萬金誰能賣眼擲春心孤凰在笈野鴨  
打火坑孽海夜沉沉懺悔前生佛描絹草娘輟耕錄老  
娘謂之草

娘心是藥義變裹綃難寄鮫人珠鎮日粧臺淚洗面星  
月無情夜有光怕驚鸚鵡悄離房夔自憐蛭蛭惜夔拚  
教玉骨葬寒塘昔是雙來今雙去雪魄冰魂掩何處暗  
呼惜惜喚東東行人爲指真娘墓墓前銜紙飛啼烏杖  
殺錄事知有無今日枇杷花下宅兀自一聲一斛珠從  
古艱難惟一死千秋臭名齊誤此傷心墜落猶風塵鬚  
眉中有幾女子



中湘遇顏鴻逵周麟峯同年卽贈

四時吹轉似風輪路債難饒懶病身燕市相逢剛二月  
湘江再聚又三人重提往事猶惆悵遠在天涯劇苦辛  
賣却屋邊田數畝今年餐粒仰天恩

光陰虛擲客中過冷炙殘杯未慣何伍相吹簫同乞市  
莊生貸粟半監河怕禁梳櫛頭如葆空達書函面似鞞  
偏是吾儕流斷梗羣公袞袞省臺多

下長沙

一艇瓜皮樣橈輕戲自拏椽椿堤負緯拍岸浪淘沙亂  
笋穿籬出垂楊窳地遮尖山遙刺眼城郭幾人家

登長沙城

聽松濤館詩鈔卷二

鴻泥集上五

漠漠江天濶城樓望眼開烏啼安國墓鷹搶定王臺戰  
伐經唐代文章孕楚材頗思同嘯詠舊雨不會來

遊鐵佛寺

在長沙府城北唐時勅建鑄  
三鐵佛明洪武年間重修

上方清磬落聲圓碧殿頽廊繞曼延一代生天成佛果  
幾家貼婦賣兒錢齊書虞愿傳帝起湘宮寺問巢向之  
曰卿至湘宮寺未此寺是大功德愿  
在側曰此寺皆百姓貼  
婦賣兒錢有何功德巢風樹頂鳥飛毳漬雨苔陰蝸  
篆涎欲問南朝八十寺樓臺多少望中煙

有故家以褚河南搨本蘭亭求購脫去和暢品類

四字索價五十金終疑其贗舍之然筆勢飛舞非  
俗手能爲意公督潭州時所摹再訪之則爲人六

十金持去矣因惜以詩

蕭生鸞繭賺蘭亭御榻傳觀呼近臣平生畜眼未嘗覩  
十本紙影揭書人世南已死惟登善禁中葉几臨素絹  
索兒一物留橋山昭陵玉匣龍蛇變世傳襖帖徒紛紛  
盡誤中書爲右軍燕瘦環肥各逞媚當時真贗還能分  
祇今仿褚又千百都託定州一片石欣字由字何取證  
蠟本絹本無從識此本剝落文無全或是盧家阿姑傳  
司議蘭亭帖一行後有跋云天復二年九月三日盧家阿姑遺甚欲借學撥鐙法手無  
桑君五十千本許以五十千旋爲沈存中借去云云  
銅官渚在長沙城北四十里相傳楚王般鑄錢處高郁議富國乃鑄鎔鐵錢以十當銅錢一  
管子富國謹鹽鐵官山海啗桓說黃金白玉分幣三  
不聞鑄錢殺鏈錫盜摩漫面紛條科民亦忸怩當如何

五九八

聽松齋詩鈔卷一

鴻泥集上六

鼠竊狗偷如麻沸排橐深山姦鑄多不見潭州銅官渚  
蚯蚓霸穴國稱楚賣茶牟利還憂貧銖劬相欺同鈔楮  
貨泉錄王審知鑄鐵錢名銖劬長沙地瘠國難肥况更浚民生稀廼  
父辛勤作家計織兒一烹五十雞從來大利歸農桑勤  
則不匱國本強飢法爲姦導民盜宋錢萊子晉沈郎

吳芮墓

在長沙縣治西

高祖刑馬盟不得王異姓破格封八人籠絡一時儁韓  
彭遭蒞醜臧盧嬰鋒刃漢恩非不深諸王自召覺賞極  
猜嫌生禍胎詐力勝始藉狗發蹤終驅虎投奔不若無  
奇功猶得許誠蓋智者以柔全賢者以正進我思長沙

王傳國著爲令

十里跨重城一坏臨孤嶠何期塚中材發爲孫堅廟公  
面類長沙詫看摸金校乃知十世孫必有一人肖漆燈  
黯黯焚爨書化狐嘯惜哉碧眼兒下同叔塚盜

賈太傅故宅

在府城濯錦坊前舊有太傅井今尙存

天子詢廷尉諸生召雒陽大名推管樂古禮誦虞唐組  
請單于係城連支庶強蝟毛攢毒螫虎翼助飛揚國體  
成痲瘡臣心似醉狂涕流三策獻草具四維張集詭人  
皆妬迎釐上未遑鬼神前席問朝野厝薪忘投鼠終傷  
器屠牛定頓芒避讒羞絳灌埃罪渡瀟湘猥獮潛窺伺  
麒麟獨伏藏投書呼逐魄墜騎慟孱王壹鬱魑來語占  
言鵬降旁庚斜私慨嘆戍削狀羸甦才大偏年少憂深  
不壽長招魂歌渺渺表墓樹蒼蒼故宅多環井新書贖  
幾章子孫能世業俎豆閱滄桑

聽松濤集詩鈔卷一

鴻泥集上七

定王臺

王景帝第十子母唐姬乃程姬侍婢無寵王就國長沙築臺於城東北以望姬墓元許有王詩云荒臺蔓草疑清露猶似思親淚未乾

朝上望親臺暮上望親臺沉湘之水何遼闊但見流去  
不流回水若流回山若轉不到黃泉母能見兒前兒前  
作楚舞兒當舉袖舞迴旋長安王妃塚鑄鐵珠襦玉匣  
被人發母比辰羸班在九棠梨獨覆墓前碣望不見兮  
淚眼枯母在魁封兮子處沮洳諸王驕蹇兮多膏腴偵  
梁使者長安來爭門笮指后啼呼梁平王事李太后多不順漢使者來李太后欲自言王使謁者遮止閉門太后與爭門笮指太后啼呼

褚遂良廟

點頰指晉王付卿兒與婦斷足投甕中乃使骨醉酒蓄  
髮宮有尼不諫當誰咎妬壯勢既成還笏爭何有大言  
撲此獠肆出昭儀口寧知定策時抱頸未釋手甘為田  
舍翁易婦誇升斗灑淚遷潭州何不歸田畝

胡安國墓

在隱山安國致仕居  
衡山卒葬此

矯矯胡康侯松柏挺然秀埋頭事春秋十年老學究一  
朝被恩遇廷臣無出右時政廿一篇論未中營膳朝廷  
如痿人起病宜鍼灸哆口論正心正心奚禦寇拯溺教  
徐行搏虎使寬袖君臣務虛文盲左評句讀賣馬而懸  
牛更以春秋授春秋義復讐二聖早北狩胡不呼夫差

又十九

聽松濤館詩卷二

鴻泥集上八

汝忘越怨復鏗鏗說麟經奈非崇文侯轉為檜掄揚引  
之居津湊他日和議成捫心應孔疚試語塚中人鄙論  
母乃謬

益陽故城弔古

在今縣治東六十里建安二十年  
孫權爭荊州遣魯肅屯益陽以拒  
羽乃割湘水為界以子權各罷兵  
肅築城于此旁有鬪羽瀨

長沙零桂索無休直算還劉非借劉兄弟君臣爭漢土  
婚姻寇敵為荊州五溪煙瘴蠻風在城西有五溪山吳  
潘濬征五溪蠻駐  
此兩岸桃花血點愁資江亦名桃花江  
言兩岸多桃花也唇齒盟寒孫驃

騎劃開湘水作鴻溝

甘興霸故壘

在益陽縣西南五里興霸以八  
百人拒羽渡茱萸江築壘于此

聞卿咳唾不敢涉鬚亦未必如此怯膽氣自足蓋一時

哆口先將吳兒嚇若果兩軍戈刃接毒手老拳差相敵  
茱萸江頭夜處分舉火如星堅壁立銀盃酌酒膝橫刀  
疾走濡須營斫曹鼓吹還軍呼萬歲此時意氣真自豪  
凡人相畜笑黃祖反攻當口雙戟舞入函請代蘇飛頭  
恩怨分明卓千古從來劫盜多豪英上能駕馭卽干城  
不是江東求俊傑依然負駝鈴聲

壓波閣

在益陽縣西五里張詠知益陽時江水泛溢公乃率吏民持弓矢登城呼水神而告之

水頓退民立閣其上名曰壓波閣今故址尚存

濱水從北來東與沅江合龍湫連鳳湖江口盡吞納益  
陽介其中四面波濤匝杖撞卽涌泉

水經註謂益陽有井數百口昔有人

以杖撞地

輒便成井伏流如濟灑太平興國年乖崖宰斯邑夜半

聽松濤鐘詩鈔卷二

鴻泥集上九

忽傳呼驟雨河流急攻岸靈鼉鳴挾水瘦蛟立雞犬齊  
升屋人聲雜鬼泣乘船市爲河漏天雲猶濕城沒版餘  
三餅炊家無十公如王尊勇鳴鉦集畚鍤捧土護長隄  
負門堵危堞手持射潮弩不退聽鳴鏞一行水犀軍  
注湖爲的蝸蟻與天吳聞聲皆悚讐勇退如竄逃爛死  
沙中蛤猛毅動殺人威已河神攝化賊可爲民勝妖亦  
以法轉覺沉馬禱未免近恇怯一閣臨河壩十丈洪波  
壓至今千百年此地無水厄

郭上舍蘭亭生子一周矣屬子子之更名式穀戲

以詩

子者天地之委蛻借爲人間添一輩慧癡畢竟父何干

此事無功安敢代一聲墜地呱呱啼推乾就濕母抱提  
我命又非雌甲辰強教鵠卵伏魯雞自念平生無一可  
案頭筠管活螺贏若還七日呼能化且呼螟兒勿類我  
守風洞庭寄蕭大顯光

洗眼望洞庭白浪高如屋昏黃翻日車轟轆坊地軸東  
南此大觀灑灑等奴僕藉此盪心窩當作奇文讀湘君  
哂我癡忙底使帆速拚得十日閒管教饞眼足故人問  
行程尙在湖邊宿

過洞庭

打鼓揚舸過洞庭煙中遙辨楚山青阿香夜喚龍行雨  
吹過江來蜃氣腥

三十九

聽松濤館詩鈔卷三

鴻泥集上十

跨鶴長來說呂岳燒錢醮酒祝喃喃神鴉也要矜渠黠  
團飯拋空口倒銜

登岳陽樓

巴邱城角岳陽樓今日登臨最上頭廊廟深情終古共  
乾坤元氣此中浮平沙夜月魚龍影脫葉西風雁鷺愁  
何處篷窗吹鐵笛獨凭闌額看吳鉤

中流箭駛客揚舸雪漲西來漚洞庭赤壁蘆灰留漢燼  
蒼梧竹淚弔湘靈盪開天岳三分碧洗出君山一點青

吟到無髭應大笑題詩祇好押衙聽全唐詩話云曾齊  
洞庭詩未得有都押衙蔡姓者戲謂曰我洞庭詩絕唱  
齊已請教乃朗誦曰可憐洞庭湖恰到三冬無髭鬚

巴邱懷古八首

江流淘盡大江東折戟沉沙尙帶紅老賊虛聲虜猛炬  
小喬薄命送英雄斯人不壽三分定無子承勳一代終  
鐵板銅琶關漢唱依稀顧曲想流風

羊公舉代督湘荆元凱森儲武庫兵畢竟蟠胸皆左癖  
全無著手議南征瓠懸狗項嘲垂癭盜吐蛇頭醉化身  
八百熊羆江夜渡巴山旗幟楚人驚

荆湘寇盜亂如毛一隊星馳破杜弼老子婆娑猶運甓  
諸軍凱唱盡橫刀武昌官柳依然在下雋荒城故自高  
欲問當時陶士行英風來往捲飛濤

盤龍閣上盤龍居舊是彭城任俠徒詣府張拳爭較射  
繞床大叫看呼盧丹心誓共圖靈寶鐵面何能事寄奴  
四十九

不記崢嶸洲上戰執兵擐甲奮長驅

青絲白馬鼓聲催仗佛蕭公餓閉臺掘尾狗狂君父難  
侯景將亂釋寶誌曰掘尾狗子自發狂當死未死嚙人傷含沙狐短弟兄猜王僧辨等勸進

湘東王答曰淮海長鯨雖云五千開講依元教雙六行  
授首襄陽短狐未全革面  
軍抵墨縵誰謂七官真討賊臨危方送竟陵來  
羅川小令好風標乘亂稱公意氣驕事起柳生原賊盜  
死無橫客盡麼么開皇玉璽猶歸李故國金甌不復蕭

布幘軍門齊送欵冷灰餘燼已潛銷  
湯裘長揖仰天儀附翼攀鱗李藥師羊鼻公能全駿桀  
虬髯客亦助蛾眉一杯收手窺全局十策陳圖結上知

火鑑驚囊優詔賜荆門乘漲下城時

衝風激浪踏輪舟大海鱗連小海鱗楊么戰船名竟自飛來

人著翅是何神算賊泥頭龍蛇赤子容寬貸羊犬羯奴

甚復讎一樣風波驢上看西湖不似洞庭秋

### 回道人歌

回道人色為藥酒為祿呂巖敲爻歌中語朗吟卜算子低唱敲

爻歌爛醉生涯無拘束長沙市中行乞錢推車入確聲

確全唐詩註洞賓遊長沙持小瓦罐乞錢常不滿有

確有聲俄不見僧曰神仙耶幻術耶洞賓口占云身固非我有財亦何足戀臭帑世界仙甚

干現身說法誰知足爛衫角帶遊紅塵洞庭飛過騎黃

鵠岳陽城南老樹精呂巖題岳陽城南云不及城暗晒

凡夫眼盡肉繪像安得賸子京捏土難悟張天覺却駕

聽松濤館詩卷三 鴻泥集上 十一

白雲歸去休朝上蒼梧夕衡嶽郭上竈趙仙姑道人為

脫煩惱呂巖自叙云第一度郭我亦道人搖頭頭頭

破祇是未曾經水火難離俗

### 龍女吟

碧衫搵拭啼痕紅洞庭龍女牧雨工父母生離舅姑厭

水天森森音誰通捧函再拜湘濱客千萬無渝錦字密

莫愁水府隔塵寰認取社前三樹橋衝波激浪朝靈虛

砌鋪青玉牀珊瑚火經畢講元珠閣後宮哀詫寄來書

大聲忽發水靈怒宮殿簸搖雲煙布火鬚朱髻電繞身

掣開金鎖飛天去雙龍野戰血元黃敗鱗殘甲漫溼陽

荼毒生靈六十萬就中祇為無情郎疑碧宮前鳴畫角



座奏錢塘破陣樂貴主還宮幢節隨紅粧小隊錦交錯  
此時歡宴殊人間奉觴挾瑟圍雲鬢喧呼萬歲聲雷動  
珠璣照破紅珀盤大地茫茫幾成恨生世不諧白頭怨  
閉戶翦髮誰復憐馬前覆水更難論柳生自是多情癡  
兩泣花愁能護持人間薄倖幾千輩豈獨龍宮濯錦兒

八別離

別魂束束夢還家鄉心逐雁飛天涯昨到數行書烏絲  
淡墨斜上言堂上舅姑老下言膝下嬌雛小胡麻好種  
人未歸秋月春風擔閣了江水兮江水載去夫婿不載  
還不知燈前影試想鏡中顏

荊州二首

聽松壽館詩鈔卷二

鴻泥集上

十三

一片干戈地巴夔控上游幾朝豪傑盡終古大江流檣  
影眠漁岸灘聲捲戍樓征鴻彭蠡去託帶楚天秋  
水國多清景江天老歲華好巫驚鬼魅上市賤魚蝦風  
緊豚吹浪隄荒馬浴沙客途殊草草篋笠比浮家

弔古五首

如此江山偷息存坐觀成敗亦徒言自居俊物調鷹隼  
豈料織兒類犬豚八及聲名爭李郭兩雄依附介曹袁  
蛟龍不少資雲雨忍使無依夏口奔

白衣搖櫓伏櫓中暗襲乘虛笑呂蒙誰使戍兵全撤守  
偏教豎子倖成功夢豬何必非天意縛虎堪憐值路窮  
轉眼婚姻成寇敵爭他片土葬英雄

持旄通聘馬趨趨留守西河不放還七葉從官移洛下  
二毛流寓望江南小園枯樹聊相況片石碑銘少可談  
等是飄零堪寄語荒涼故宅近羅含杜甫詩廐信  
羅含俱有宅

汨羅遙望隔天涯朗誦離騷當楚些豈戀饑餒招宋玉  
空投絲裏弔長沙美人香草工幽怨山鬼蘿衣暗笑挪  
若問當時天亦醉更誰清醒逐臣嗟

微詞譎諫悟襄王侍宴蘭臺藉伯觴似雅似風師正則  
王逸楚辭註宋  
玉爲屈原弟子爲雲爲雨賦高唐招魂下擬巴人曲好

色羞闕里女墻異代蕭條空灑淚少陵懷古咏蒼茫

### 息壤詩

山海經縣竊帝之息壤以堙洪水帝怒使  
祝融殺之於羽淵荆州南門外有息壤焉  
狀若屋宇陷於地中而猶見其脊犯之則  
雷電交至唐元和中裴守牧荊州掘之得

聽松濤館詩鈔卷三

鴻泥集上 齒

一石徑六尺八寸是年霖雨不止河屢溢  
大爲民患乃復埋此石遂止

黃熊已化入羽淵一抔之土千百年障水有罪臣當誅

績爲聖子開其先不然疏鑿從何始九州惟見波滔天

女媧蘆灰止不得百姓其魚呼顛連盜帝息壤甦民命

車中一凶來從天捧土果能河津塞天何慳惜不民憐

得非怒其徒堙填未能濬導龍門穿漢代秋風決瓠子

下榷束葦名防宣前人唾棄後人拾坐此帑金同棄捐

黃河滾滾隄高屋防秋尉卒無夜眠若封一掬同砥柱

何不移取障百川或言蛟宮憑鎮壓犯之往往轟雷鞭

猪龍蝸蟻能爲厲帝命械繫囚重泉不見淮渦無支祁

縛頂鎖足龜山顛漁人掣動河隨溢制之再無烏木田

廩君土船

在荆州城西南土人訛稱令君想即廩君也按廩君名務相與樊驛相鄭四姓爭立相約以土爲船曰船浮水中者卽立務相船獨浮遂稱廩君

一國如觸蠻五姓各爭長飛頭祀蟲落裸體師狼虜相約無文書尋憤日刀仗廩君丹穴生歟徒盛其黨祭天卜牛躡搏土畫船槳輕如鶯羽浮扶服環稽顙謂是天所與帥渠敢倔彊率衆赴夷城鹽神春心蕩夜從廩君宿朝化飛蟲往彎弧跪射之神死天開朗遂城健牟羅巴西闢蟻壤板楯徵寶錢方竹求印杖漢孰如我尊蟲沙白擾攘生稱楊車巴殺掠爲耕養死化白虎神屠人覺其像數傳繁子孫特流各跳盪翻笑劉禪庸振策劍閣上窺鸞盜蜀夔兇狡誰能做一朝如灰滅購頭埋塵

四牛  
聽松濤館詩鈔卷二

鴻泥集上

十五

块徒爲鬼神欺土船亦誣罔

高季興祠

在通會橋西

唐末沸如糜蠡起半亡命吳蜀與粵閩跳梁據雄鎮南平蝨其間羸孱懼兼并所嚮皆稱臣內狡而外順中間偶構兵一蹶勢難振反側不自安後唐復通聘出關猶走狗繡衣誇梁震望沙樓自高一步不敢進尙敢取萬夔哆口誰其信出身原家僮涎眼蜀琛賈子乃無賴名攘劫成笑柄擾擾真魚蝦髯公一言定

章華臺

楚靈得國矜豪奢傾宮未息營章華

諸宮舊事靈王作傾宮三年未息而

爲章華之臺翟人來朝王

落成空望諸侯至翟人偕上

三休誇架閣飛樓郢城望富都那豎長鬚相富謂富於谷貌都閑

也那翠被豹舄揮長鞭出次乾谿神何王乾谿一出難

復歸翼不翦蔡蔡速飛投車痛哭三軍潰獨留芋尹隨

棘闈國人夜駭呼王入熊居奪位饒權術轉瞬吳師破

郢來斲棺尸露遭鞭扶季芊倉卒奔雲中王宮莫保況

離宮麋鹿上游狐狸掘離離禾黍搖秋風眼看荒涼時

捉鼻舊是撞鐘伐鼓地可能投龜再詬天會此區區不

爾異

### 優孟謠

優孟汝來前王能容汝衣冠抵掌如醉顛王甯弗知叔

敖賢誠知叔敖不愛錢故任其子破衣決踵薪壓肩愈

聽松齋詩鈔卷一

鴻泥集上

十一

顯叔敖身後廉名全不然豈無綿上田優孟聞之淚而

連廉吏之子今尚然優孟若死誰其憐

### 踏蹄歌

荆楚之俗有喪之家伐鼓以祀鬼叫嘯以興哀謂之踏蹄歌

若有人兮庭之隅擁鬼卒兮馱鬼車載營魄兮來往影

幢幢兮羶趨升屋號兮臯某復人不見兮目瞿瞿鬼睇

人兮善笑魂偕來兮且饗予伐鼓兮坎坎吹笛兮嗚嗚

肉如山兮蘭藉酒如澗兮椒糝侑吾神兮醉飽雜郢曲

兮巴歛騎沓沓兮雲中舉傳神語兮跳師巫索頭靡兮

鄰女瞰餘腥兮狸奴赫楮鏹兮化魂衣王肅喪服要記云魯哀公葬其

父孔子曰設魂衣平哀公曰吾父願生天兮鬼無抑揄

舟次東平壩

有帆纔卸晚風微一葉輕舸泊石磯壞宅林黃橙子熟  
秋江浪白鯉魚肥鴉翻落照爭枝宿雁下新洲結陣飛  
欲寫家書先寄去平安兩字慰慈幃

彌陀寺河隄決數十丈壞民舍畜稼無算憫以詩  
雲陰鳩哭商羊舞怒雷攝龍催行雨龍真率隊翻天瓢  
驟沒河隄隄脚腐夜半傳呼河入城里胥荷鍤家鳴鉦  
雞犬升屋鼠巢樹遍地仆墻壞壁聲爭據高隄共覆笠  
鬼聲暗雜人聲泣預備走舸防岸崩更無逃處齊僵立  
惡風刺鼻蛟龍腥使君刑馬呼河靈老巫狡獪傳神  
河伯娶婦索娉婷

劉郎浦 在石首縣北

聽松濤館詩鈔卷二

鴻泥集上

十七

豫州有驍名肯誤兒女子異哉孫車騎乃以美色市美  
色能移鼎峙心帳裏玉人應醉沈當陽中道且推懣故  
劍恩情能樣深明珠步障黃金屋繡林山上在石首縣西南昭烈  
娶孫夫人錦繡如錦迷目賺住蛟龍爲雨雲阿兄自喜  
林山以此得名妹潛哭分明餌敵欺和親送來公安侍櫛巾千秋知有  
劉郎浦蜀后曾無孫夫人

出伎江境望峽州

江頭宿雨釀輕寒羅國回頭樹杪看請入先愁人鮓囊  
鮓囊在歸州舟至此多覆一名人鮓計程將次虎頭灘  
在峽拚教魚腹連身葬准備猿啼到耳酸浪作虛驚堪

一笑世間隨處上天難

至喜亭 謂出峽者至此喜也在夷陵南宋守朱慶基建歐陽修有記

灑酒賀更生行人至此喜天幸出峽中布帆無恙矣十日抵長沙漫流渺千里來者歡如雷去者怖欲死同是到此亭憂喜迴難比請君入甕中愁風又愁水回頭問來人去時亦如此

楚塞樓 在夷陵州治

中分一界作屏藩百尺飛樓踞勢尊鹿角河聲朝蜀峽虎牙山色望荆門鷓盤大野秋風健雁入遙天雨氣昏

却笑南平高賴子乘時竊據似蜂屯

蝦蟇碛 在夷陵石鼻山下黃山谷云從舟中望之頤頤口吻甚類蝦蟇水循蝦蟇背垂口鼻間乃入江東坡詩蝦蟇似覆孟蓋頤似偃月

少四  
聽松濤館詩鈔卷二 鴻泥集上 六

背不金色晃頤乃玉液瀉何年月中來飛入此山胯蝕

月肥癡腸日遭姁娥罵憤跳一滌之意欲清流借說法

口呿張 輟耕錄余在杭見人蓄蝦蟇九枝大者踞坐墩上小者一一向大者點首作聲如作禮狀謂之說法

石竟點頭化閣閣水田蛙官私日叫咤無端玉耳

喧咒禁苦僧舍不若師反舌無聲得休眠 蔡中郎以反舌為蝦蟇

檢行籠得律本舟中無事偶閱數條效銜尾體

讀書不讀律致君固無術援律必是律究竟非練悉律

者設大法禮者順人情酌斟參用之斷獄其庶平民間

雖末爭難逃刀筆吏經生恥斷斷貴得法外意居翰更

詔字田叔燒獄詞活人以得罪故出奚辭為駟馬門難

知捫心當自問周內援深文彼亦人性命我胡舍孔孟

刻意求申韓十年愧耳剝無事遮眼看條析亦復難賁

歸肉食者甚服唐明經習律代爾雅唐書選舉志貞元二年詔習開元禮

者舉同一經例明經習律以代爾雅

爾雅臺在夷陵城北郭璞註爾雅處臺廢已久舊址尚存

峽州有高臺爾雅注郭璞鑽研二九年舊說正踏駁方

言引樛櫨引齊人諺曰上山斫櫨櫨先彈釋詁遺筭枯見困學紀聞轉合

後來人借此相譏駁陸佃箋魚埠雅炫精博究竟尊

王氏何能望塵躅陸佃作爾雅新義自序云雖使郭璞擁篲清道跛望塵躅可也近來

帖活家吐棄惟小學進士詢鶉輶和風詩進士以天雞弄

有二反詰主司按爾雅釋鳥有鶉天雞釋蟲有輶天雞主司先羞縮何怪誤蟊螟

蔡謨讀未熟

聽松濤館詩鈔卷一

鴻泥集上

十九

黃陵廟

一名黃牛廟神佐禹治水有功土人立廟祀之在夷陵州西九十里

八載功成佐命難鬚眉如畫祀江干諸葛亮黃陵廟記鬚髮鬚眉衣冠宛

然如彩畫者古碑無字埋荒草壞道成江咽怒湍杜宇愁聽

李館校鷓鴣還唱鄭都官西來雪漲添千尺峽裏黃牛

照影寒

黃牛峽

朝發黃牛暮宿黃牛三朝三暮黃牛如故古諺黃牛如磨

轉團團送人過去還送還盡學牛行尋陳迹疲喘欲休

休不得前灘呼邪許後灘催打鼓行人聞之淚如雨

寄題清溪寺

在夷陵峽中鬼谷子故居

說難近萬言終殺吃公子逆鱗猶可嬰辨口難全恃鬼

谷閱世深人情熟摩揣自知老無能默伏清溪沮弟子  
才縱橫遊遊竊其技掉舌賣諸侯顛倒惟所使儀乃避  
讒出秦竟車裂死見利甘忘身究非本師旨何如守其  
雌與世無臧否高臥溪聲中激流石礪齒

鐵棺峽

在歸州白狗峽東唐將軍王果爲雅州刺史舟經三峽望懸崖間有若棺者令人視之衣冠骸骨存焉傍有石誌云三百年後水漂我將及長江垂欲墮欲墮不墮遇王果果爲之槍然斂祭而去

一棺銜巖腰前和露欲墮衣冠尙如生不比劉表裸

漢書

註劉表死後二十年人發其墓夫婦皆裸楚蜀經兵戈無限葬水火先生何許人埋名惟署我死不欲速朽皮囊鐵葉裹奚知三百年掩骼有王果

心字四

聽松濤館詩鈔卷三

鶴泥集上

三

昭君村

在歸州東北四十里

呼韓猶自畏烏孫竟許和親出玉門圖畫難傳憐妾貌  
掖庭先放見君恩陰山積雪埋荒塚歸峽香泉贖舊村  
生女不須頻灼面歸州人以昭君爲戒女生卽灼面令爛且塞香泉令母生美女明妃  
還是漢屏藩

巴東寇萊公祠

三十韻

古戍寒江口荒祠絕峽中衣冠寫萊國香火祀花封津  
吏都如鹿鹽神不化蟲踏蹄歌效郢揭榜賦輸資保鄣  
誇賢尹樓臺問相公雲亭殘額在巴東有白雲亭乃萊公所建野水  
一聯工公治巴東時有野水無人渡孤舟盡日橫之句時擬爲異日舟楫之兆手植留庭  
柏公植二柏于縣庭今謂之萊公柏繚垣長瓦松溜厨銀燭淚竿竹紙



錢風公沒雷州詔歸葬洛陽道出公安百姓爭以竹插地挂紙錢以祭逾年竹生成林 緬想漣

淵幸親征虜騎衝老謀商殿帥奸夔出天雄萬歲呼黃

燾三軍宿絳宮御門君聖武堅壁寇孤窮撻覽驚飛矢

扶桑喜挂弓圍棋能應敵議帛竟和戎勸駕讒孤注邀

盟誣雋功天書催詐上歲絹責輸供妙譽期調鼎邊才

許綰銅雁門煩鑱鑰鶴相失牢籠舊怨羹鬚拂交擠腐

肉訂雷陽移萬里日觀望千重境上蒸羊待關前疋馬

逢尋仇翻謝友縱博計收僮卽看崖州次甯非霍傳通

居心原磊落言事少從容社稷臣能幾匡扶業未終家

貧憐乳母公乳母謂公曰不記太夫人葬貧不望損料得一縑以爲衾禮豈知今日富貴耶

衰翁公問婿王嘉祐外人云劣丈如何曰云丈人且到入相公曰爾云何曰但恐入相則譽望損耳

示五首

聽松濤館詩鈔卷一

鴻泥集上

三

海詩成識公到雷州吏獻地圖第一頁曰到海岸十里

幾萬重之句卽今日意騎箕位列穹蒼生真欠福張詠

爾人生得喪非偶然也 語譯使尙憐忠斗棋蟠脩虺旌旗黠畫熊春秋簫鼓開

遺愛在巴東

聽松濤館詩鈔卷三目錄

鴻泥集中

巫山述懷 四首

不寐 二首

哭辰端弟 二首

早發

晚抵金斗灘遇同鄉黃姓者乃襍被宿其家

過瞿塘峽

灩澦堆

白帝城

永安宮

夔州武侯祠

八陣碛

羅星垣餽栗 一首

楊鑑亭招飲杜公祠詩呈同席諸公

和江太守杜公草堂落成原韻 一首

夔州城樓晚望

客有餽丙穴魚者詩以謝之

答奉節令王溫齋明府

易治堂

甘夫人墓

酬陳鹿賓孝廉送其北上 一首

將往渝州別謝大炬城卽送五弟唐碩歸里

題雲陽杜鵑亭

宿萬縣集賢驛

忠州四賢閣懷古

四首

木蓮樹歌

舟中寒夕獨感

寄所思

四首

嚴顏祠

謁禹廟

弔石砭宣慰女官秦良玉

過涪江

聽松濤館詩鈔卷三

目錄

二

弔黃涪翁

靈壽杖引

什邡侯城

張柬之祠

張桓侯祠

樊溪道中

渝州弔古

二首

寄題懷清臺

招賢館

渝州八景分詠

四首

北渡鶯花

王園春晴

香國秋爽

珊瑚煙水

過合江縣值雪

晉王廟

瀘州諸葛武侯祠 三十韻

客有述度鼠仙者借以感諷

嘉州懷岑職方 參 薛京兆 能 二首

登高標望揚雄山

放舟佛腳下遊凌雲山遂登東坡讀書臺題壁

方響洞

花卿廟 聽松壽館詩鈔卷三

烏尤魚歌

嘉州多麝州人獵以為生麝故以香累也作逐麝

行

火井舊以為在臨邛余自瀘適嘉過字流鎮得所

謂火井者以微火投之即燄騰上亦甚怪也

嘉州海棠

戲作十短詩

短籬

短樁

短綆

短檝

短笛

短檠

短箋

短筇

短帚

短尺

初發嘉州用東坡韻

贈賈生

登平都觀

夜泊廟磯子大風雨船幾覆天明風定悵然而作

丁巳

聽松壽館詩鈔卷三

目錄

四

抵夔州謁杜文貞祠二十二韻

下巫山

春日漫興

閑情 三首

寄內書示所近

無題 四首

往高唐觀搨碑不成而作 二首

神女祠

踏春詞

夏日玉臺八詠

牽荷

削瓜

刺繡

門碁

攤睡

淪茶

試浴

趁涼

視病

小別 二首

入大甯河泊舟巖下

白鹿泉

分九

聽松濤館詩鈔卷三

目錄

五

衡家澗觀瀑

飛石行

將返巫山先寄

擬古意

聞砧

秋夜聞雁

秋興八首用杜韻

閒遣

秋夕

感唱 二首

示趙姬 二首

帳別

四首

別巫山旅館主人

二首

巫山曉發

二首

過新灘

四首

新堤阻雨

四首

車灣遇風

八首

重登岳陽樓

八首

岳州八詠

八首

歸舟過長沙

八首

戴慶堂納姬索贈

四首

題李春林雙柑聽鶯圖

四首

可中

聽松濤館詩鈔卷三

目錄

六

後出門

石廩峯歌

望衡嶽

响嘯碑用昌黎石鼓歌韻

舟抵衡州

衡州雜詠

八首

歐陽南溟惠鄒酒十瓶

贈衡僧闢塵上人

鴻泥集中

巫山述懷四首

拔劍王郎斫地歌飛騰三十更云何禰衡懷刺投人少  
曼倩成書罵鬼多長短傑池鳧脛續東西漂泊雁翎訛  
今年不作春明夢閒煞公車一任他

姑妄言之掩耳前紛紛告語豈其然從弟之死以告者太過蓋欲藉以洩忿於羣小也

誰曾解唱公無渡子且歸休我欲眠讓唾誠乾  
師德面漚麻詎飽李陽拳此來終自疑投杼未必殺人  
非浪傳

聽松濤館詩鈔卷三

鴻泥集中

鄰臬不徙總聲檜壞事從來是摸稜若畏編鬚逃盜跖  
能毋縮鼻笑崔陵雞蟲得失時無了鵝蚌相持久孰能  
漫事懸河騰口辨安閒試看啞羊僧

記得鳴鼃打早衙訟庭金注講南華夔州守楊郡伯以金注瓦注譬曉且

日知此意否對曰是莊子焉依然害馬還留棧未見神

有不知但為兄弟之仇爾羊敢觸邪伎倆自慚鳶嚇鼠講張人幻象吞蛇生平未  
讀蕭何律無奈埋頭事法家

不寐

奔走空皮骨憂煩未掃芟室如螺閉戶席擬鬚張帆火  
盡膨脝鼎釜加籠桶衫僕夫魔夢囈隔舍語喃喃

永夜難交睫支頭枕又低身拚蠟蝨飽耳鬪馬驢蹄齧



秦時驅鼠披衣欲舞雞明朝當詣郡借住瀆東西

### 哭宸端弟

累汝艱難境飢驅始出門衡陽分旅雁

弟入蜀時會巫於中湘一面

峽泣孤猿

畢命於巫山

萬里來收骨終年未訟冤淒涼今夜

月剪紙爲招魂

淚滴巫江冷魂歸蜀道難癡應憐弱女酷總恨麤官再  
世宜吾約餘生爲爾拚黃泉呼不應慟絕一憑棺

### 早發

擺簸橫中流石尖森刀仗鼓噴騰屋高盤渦陷坎曠睨  
取間道行濤頭不可抗放手一着鬆頃刻江魚葬況我  
值秋杪峨眉雪添漲殷怒相春撞奔逸天馬狀瞋眩頭

心十四

聽松濤館詩鈔卷三

鴻泥集中

二

浴浴身騎烏背上迴舟急振柁泊岸幸無恙

### 晚抵金斗灘遇同鄉黃姓者乃襍被宿其家

已泊僦東岸居者環河洲對我作鄉語詰來何所求切  
切問名姓次第詢郡州蛩然足音喜捉臂嘉賓留彈壁  
語西鄰有酒容借不滿傾老瓦盆引手過牆頭笑謝無  
兼味近水惟蝦鱔更催爆皺栗黃玉堆盈甌自云十三  
出操檝傭拏舟流落不得回蒼蒼旋白頭回頭指男女  
謂是業債愁女贅捕魚墾升斗難代謀男附近村塾迷  
學歸騎牛語多雖雜亂一昔禮數周雞鳴羽膺膺欠仲  
請暫休東方日旣出送余沂上流

### 過瞿塘峽

兩岸對峙望之如門在夔州東二里

遙從月竈達滄瀛杜工部瞿塘詩地與山根裂江從月窟來斷雙崖匹練橫  
甕底窺天成石色餅中沸水走雷聲魚龍老窟空船瞿塘遙通象馬高蹲灑灑撐天與夔州爲鎖鑰英雄割據幾紛爭

### 灑灑堆

突兀起江心坡隨高似象回頭謝水靈一霎瞿唐上

### 白帝城

在夔府東

白腹黃牛五銖復公孫躍馬偷帝蜀身非代漢當塗高  
誤聽婦言爭失鹿八八子系牛腹書詐稱天賜擁黃纛  
可憐井蛙妄自尊蕭王玩視比奴畜碭山白帝橫修鱗  
遮道遭屠鬼母哭三尺仍提赤帝孫火德再炎金銷鑠  
從古帝王自有真幾見區區脩邊幅只今女牆烏夜啼  
羸說成家手增築

### 永安宮

三國志謂先主還自白帝改魚復爲永安其宮至今不可考東坡以爲卽州之永安門陸游入蜀記謂宮改爲州倉

吳兒長策習火攻狙伺赤壁燔曹公周郎遺唾伯言拾  
夷道獠亭茅把紅包原阻險兵家忌七百里營恨山通  
曹丕小智尙能曉何況蜀帝名梟雄猛氣卷吞橫一世  
揮鞭眼底無江東豈料鰈生亦強對此才乃出菰蘆中  
宿將習班無足道白眉馬良何盲聾奪去孝直天翦翼  
不許翱翔成厥功鎧鏡刀仗紛捐棄追思畫紙慙仙翁  
炎炎火井運銷歇故令智勇俱遭窮高祖屢敗惟一勝

攘尤忍詢摧重瞳帝何一蹶遽心悲羣臣號泣攀髯弓  
玉殿翠華時想像靈旗掣捲隨悲風江山陵谷幾遷變  
州倉原是永安宮

### 夔州武侯祠

君才何止倍曹丕隻手難扶漢祚衰一代史疑陳壽志  
千秋評定杜陵詩受恩不敢忘先帝殉國還嘆有好兒  
夜半秋風號古柏又驚龍嘯臥龍祠

### 八陣磧

在夔府城南其陣聚細石爲之各高五尺  
皆布列相當中間相去九尺正中間南北  
巷悉方廣五尺各六十四聚或爲人散亂  
及爲夏水所沒水退如故晉桓溫伐蜀經  
之以爲常

山蛇勢

江流不改演兵圖魚復灘前水淺鋪天半風雲來會合

四〇一

聽松濤館詩鈔卷三

鴻泥集中

四

夜深神鬼雜號呼人疑故壘山難撼公本天威石可驅  
夷道連兵違素願漫言遺恨失吞吳

### 羅星垣餽栗二首

遙指林梢蝟刺叢晚秋零落崦西東料應接臂猿爭拾  
那得盈筐餽寓公

差比侯封幾樹栽客來嘗栗果園開與君齊擲廳前柱  
賂取丹陽郡守來

### 楊鑑亭招飲杜公祠詩呈同席諸公

偕尋遺蹟拜詩人爛醉雲安麴米春書劔飄零同此恨  
江山阻絕獨誰親慵簪玳櫛理蓬鬢愛插黃花滿角巾  
欲徙吾家西漢仕草堂添箇灌園鄰

兩旁居人多  
種菜爲業

和江太守杜公草堂落成原韻二首

中原多難避他鄉，鼓角聲中寄恨長。  
戰伐乾坤餘胸臆，流離弟妹望荆襄。  
寄書秋雁魂如訴，乞食春城影獨傷。  
我亦年來漂泊慣，寒泉一盞薦斯堂。

遙望潼關憶帝鄉，江湖依戀此心長。  
離家漸看垂垂老，憂國虛言贊贊襄。  
三禮賦難天子召，八哀詩獨故人傷。  
秋風壞屋茆皆拔，那得乾坤一草堂。

夔州城樓晚望

麗譙空濶敞疎檐，獨立蒼茫酒思添。  
灩澦灘聲淘脚底，白鹽山色染眉尖。  
人家近瀼東西住，估舶乘潮上下兼。  
試望平原秋草沒，傷心豈獨是江淹。

聽松濤館詩鈔卷三

鴻泥集中

五

客有餽丙穴魚者詩以謝之

丙穴在達州明通巖縣井峽中凡十穴皆魚產嘉

君自達州來，遺我雙嘉魚。  
擲地駢頭各呀呷，以口吹沫相煦濡。  
連日雪風河夜凍，何能網此遠相送。  
怪道清晨眼睜跳，原是銀刀躍冰供。  
老饕饒意商佛前，權閣齋日移明天。  
今朝須飫唐園腹，下箸不會費一錢。  
指揮霜刃砍砧，凡片片花肌。  
藿葉擬未下鹽豉，芡桂薑知味從來。  
杜子美頗異團鯽，芒刺喉玳玳星點。  
松鱸俸欲致佳烹，聊償願臟神今夜還訴不。

答奉節令王溫齋明府

好語當筵爛熟思，休論市虎本懷疑。  
就中我亦甘辛味。

此外人誰冷暖知  
蜩翼蛇跼難借助  
鼠肝蟲臂竟奚爲  
平生不飭翁翁蜜  
獨向神君鐵膽披

易治堂

堂爲王十朋守夔時所建亦名整暇堂詩云風俗無難治治之端在人古夔尤易治風俗本來淳

老手便劇郡所治無難易  
君看王龜齡到夔稱易治  
夔州俗固淳不淳將焉避  
因難而見巧盤根別利器  
斷橋饒民留繪像泉民祭到處  
歌思甯獨雲安地

甘夫人墓

在府署鎮峽堂後按蜀志后葬於南郡章武二年追謚皇思夫人遷葬於蜀未至而先生殂丞相亮請追謚昭烈皇后又曰生則異室死則同穴昭烈皇后宜與大行皇帝合葬制曰可據此則墓宜在成都夔州之墓乃遷柩在道值先主晏駕永安倉卒之際權厝於此然蜀志終不言合葬惠陵或終未改葬亦未可

又六

聽松濤館詩鈔卷三

鴻泥集中

六

定

玉人相妬更誰能  
環珮琤琮恩獨承  
長坂倉黃車上墮  
輕煙縹緲帳中凝  
續絃空自迎靈澤  
同穴何曾耐惠陵  
漆匣珠襦深護惜  
熒熒月下閃神燈

酬陳鹿賓孝廉送其北上

十日泊雲安相逢得偶閒  
詩情杯酒外行色劍衣間  
道

長鬚先藝

北齊李庶無鬚崔謏嘗調之曰何不以錐刺頤作數十孔拔左右好鬚者裁之庶曰持此還施貴族藝眉有驗然後藝鬚蓋

崔姓多惡疾故李庶以此調之

音操尾帶蠻未應枯

樹賦庾信滯江關

張帆從此去臘雪渡黃河  
渺渺余懷在匆匆  
客路何猿

聲啼峽送駿骨入燕多莫竟朝班  
錯人嘲疥駘沈括

筆談舊制天下舉人到闕皆入對數不下三千人朝班  
紛錯有司不能繩勒時言殿中班列不能整齊者雖有  
三色謂舉人  
蕃人駱駝

將往渝州別謝大炬城卽送五弟唐碩歸里

握別臨歧路分馳學儷流雲忙泉闌意風熟水生愁未  
了前途債翻爲倦客游滿懷無一語癡立望歸舟

題雲陽杜鵑亭

打頭三日算江程百里艱難胸臆城但看亭名魂欲斷  
那能還聽杜鵑聲

宿萬縣集賢驛

落日聞津鼓棲禽補樹巢斜街都賣橘野店亂編茅四  
壁餘塵氣三錢卜旅爻風波吾亦慣只愧舊書拋

夕世

聽松濤館詩鈔卷三

鴻泥集中

七

忠州四賢閣懷古四首

四賢謂劉晏陸贄李吉甫  
白居易皆諱於此故以名

閣黃庭堅有記

唐家中振事邊籌計相朝參鞭算周淮道權鹽師管子

關中轉餉逐鄧侯晏每歲籌運數十萬石以濟關中歲  
輸始至帝遣衛士以鼓吹逐東渭橋

勞曰卿吾  
鄰侯也挾財私啗當途口構罪人尋故相讎簿錄家

財書兩乘胡椒八百竟誰羞

奉天從幸炳丹誠國難初夷蜀道行到郡交歡難吉甫  
出都奔餞獨陽城醫方默救瘡痍命奏劄長留骨鯁名

才器文章根性學敬輿原不負生平

明州遠謫又遷移十載徵還侍禁幄獨取輿圖經郡國

別無臺館門京師勦謀河北分藩日賚恨淮西襲位時

不解傾排由內相唐書隱約使人疑

卜築鑪峯對藥臺量移曾建一麾來牛童馬走謫新句  
巴瘴蠻煙老雅材繞覓銀魚兒態穉拋巡花淺宦情灰  
庭前荔子低垂戶都說蒼髯太守栽

### 木蓮樹歌

木蓮樹生於忠州鳴玉谿中土人亦呼  
為黃心樹會見一株於巫山高唐觀中  
身如黃楊有白文葉似桂花如蓮香色  
俱同獨房蕊微異開於夏初僅二十日  
即謝白樂天守忠州命道士母邱元志  
寫為圖紀以詩又寄詩與元九有唯有  
詩人應解愛丹青寫出與君看之句傳  
於都下好事者競為模搨余過忠州值  
窮冬草木凋  
零未及見也

鳴玉谿頭木蓮樹賦似紅葉萼承附雲埋水隔無人知  
名其名者白太傅白傅遷謫來江城一花一草都關情

聽松濤館詩鈔卷三

鴻泥集中

八

東坡移插幾千種林檎野杏山珠櫻偏移此種移不得  
南賓樓上三題壁丹青寫寄元郎中似道詩人始相識  
使君騰騰一事無品題頗有閒工夫西風吹我征篷去  
鼓聲不許留斯須

### 舟中寒夕獨感

醉倒褰衫代覆身雲英秋夜頗多情如今格是無人管  
一任和衣睡到明

### 寄所思

纔去雲安五百里便如癡醉兩三分迴頭九面屏風立  
隔住巫山一段雲

西風吹樹攪離思長記中秋拜月時教放水晶簾下待

摩羅聯替縮腰絲

似立鶯屏整翠鈿忽驚春夢鼓催船浪游名託眉山興  
暗爲黃姑貸聘錢

巴王臺畔荔枝樓連日孤吟在上頭爲報嘉平初九夜  
凍雲微雪過忠州

嚴顏祠

在忠州治北

先主不襲劉季玉阿瞞未必終存蜀楚弓楚得故事援  
聖公摧敗降文叔漢家土地齊瓜分強之食者弱之肉  
不忍荊州忍益州効收桑榆趁先著訾爲不義罪武侯  
特使嚴公氣吐腹張松法正暗賣君引虎入關將軍哭  
此頭可斷膝難降鋒稜壯語森刀稍丈夫死比豹留皮

聽松濤館詩鈔卷二

鴻泥集中

九

俯首乞憐誠握躡纍臣覺鼓亦尋常張任延頸甘刳斫

謁禹廟

二十四嶺廟在忠州治南過江二里

落日滄江晚空山禹廟孤零丁鳴玉片屈戍鎖金鋪橘  
柑低垂戶松楸夾蔭途墻頭迴戰蟻殿脊竄飢颺珪帛  
羣靈會旌旗百鬼趨河山通熨道日月拱蒼梧降割滔  
天水殷憂率土魚庚辰襄聖績壬子肇王模息壤黃熊  
感洪流白馬驅開山神化犢剖石子歸狐胼胝勞樞樞  
浮沿導堯徐斯民烝乃粒我后俟其蘇碑篆岫巉字銀  
裝宛委書篋筐財賦始櫛沐雨風餘岷蟠依梁甸和夷  
隸蜀圖艱鮮黎獻換伏臘歲時徂俎豆懷明德香煙祝  
老巫龍蟠椒壁動鴉啄紙錢呼不有巴流險還疑帝力



無盤渦湯沸鼎振柁箭離弧釜琰全顛簸衣囊半濕濡  
平安陳瑣瑣忠信矢區區風軟張帆正潮平抵岸紆毛  
錐成底事仗爾頌神謨

弔石砮宣慰女官秦良玉

銀刀小隊鬢雲綠繡旗招展出巴蜀饒歌學唱花木蘭  
桴鼓親執梁紅玉嫁得夫婿本英雄並馬雙開神臂弓  
桑木關前殲播寇蠻箋草上安邊功妖語無端部民起  
雲陽獄中夫瘐死露紛媿徒哭紇千代領兇軍推娘子  
黑山青犢馳縱橫瓠奴雪鰕膏斧聲督師羽檄徵師急  
催召秦家白桿兵登壇揮羽宵傳令箭當用長弓挽硬  
要翦搖黃十三家盡起板楯連七姓鵝角花鬢上馬粧

聽松濤館詩鈔卷三

鴻泥集中

十

五紋織韉紅襖

石季龍常以女騎一千爲鹵簿皆著紫綸巾熟錦袴五紋織韉次篋

不煩王琛姬果毅新補侯四娘

舊唐書肅宗紀許以輩奏衛州婦人侯四娘滑

州婦人唐四姑相與發血請行軍討賊皆補果毅

摩旃謹呼擊銅鼓丈八銀槍

雪花舞紫條頸繫黑煞神白刃喉捲東山虎豪豨突豕

潛無蹤平臺召見夫人封獨倚兒曹能辦賊誰知冷燼

騰妖烽阿弟從軍阿兄沒慷慨軍門誓報國峒卒萬人

庚癸呼籌唱沙量餉不發從此股賊成蔓延春人淘戶

屠全川降旛一片堅城拔石砮碣樓無敢前鼓聲豎耳

桃花騎掣斷絡頭青絲轡奮跳尙想披征鞍無奈將軍

巾幗忌從來土兵過如梳幾見折箠聽嗥呼百年宣慰

忠名在血斑試看戰袍濡

過涪江

浩浩終何極長江屈曲流導源從滄縣別派入黔州萬里雙蓬鬢三冬一布裘何當披鶴氅拍背駕青虬

弔黃涪翁

伯勞饒舌世不問鸚鵡能言便關鎖山谷相公怒讀河

渠書實錄千條摘求苛晨聞命下遷涪州投牀鼻息酣

駒駒襍被便行無一語五十三驛啼猿愁夜宿歌羅謫

仙夢羽衣翩躚遠相送為語當年流夜郎疊譜鵲聲竹

枝誦南陵坡上八百盤到得坡前心喜歡扁舟幸離人

鮮甕瘦驢生入鬼門關在夔州東北三十里山谷謫涪經此有詩云鬼門關外莫言遠

羣猪過飲可謀醉山谷在黔州峇人詩羣猪過飲尚可醉疥手餘甕庸何傷病鶴料

五十一

聽松濤館詩鈔卷三

鴻泥集中

十一

糧少供餉桐帽棕鞵稱老夫染紙鴉青作大字死者已死蠻煙中文章涕淚吹秋風晁秦知已何人在相思兩地惟髯公句法提律盤硬語公非曹衛乃吳楚萬牛難挽力獨扛蘇家勁敵江西祖

靈壽杖引

出涪州

崦中細毳幢花落靈藤蜿蜒樹腰束獾狛挾斧搜雲根削治皮骨如紫玉忖寸別分中度程倚壁蛟龍睡不行落手之而鱗甲作爪血搗痕鏗有聲鶴脰鳩頭癭且瘦選勝探奇腰腳鬥南詔赤藤何足誇東坡鐵君應比壽祇憐棄擲居窮荒無人持獻登明堂顯晦有時堅多節

何肯屈身扶孔光

什那侯城 在合州城東北漢封雍齒於此

拔劍論功厭武臣漢高恩怨最分明沙中偶語邀殊賞  
忘却滎陽誑楚人

張柬之祠 神功初出為合州司馬

金翅入宮食龍子姓改諸王稱虺氏鼓鼗神器無敢言  
唐家人禍何至此鸞臺鳳閣狄梁公委蛇退食誠從容  
纔復廬陵身竟沒大厦危支老秃翁定計能誅張易之  
遺孽偏留武三思養虎遭傷中道悔新州貶異合州時

張桓侯祠 在長壽治東

將軍能萬敵廟食閱千秋反旆逃瞋目陳俘屈斷頭股  
肱先主恃搥撻健兒讎壁畫鬚眉動猶橫丈八矛

四十九 聽松壽館詩鈔卷三 鴻泥集中 上二

夔溪道中 夔溪即夜郎在江津東南三十里

騎驢得得背風馳路入盤梯一劍隨  
撞布糶禾巴子國  
匏笙瓦鼓夜郎祠山均虎過泥留爪雲外僧歸綠上眉  
怪得州人思太白餘風還唱竹枝詞

渝州弔古 五代時蜀王建孟知祥繼有其地然盜  
販竊據終歸漸滅故弔以詩

都頭百計并東川奪取渝瀘棧道連事業終成鹽販賊  
家居盡壞水行仙 王建據蜀時有掃地和尙日唱云水  
行仙怕秦川後為唐取王衍之讖  
龜麟再見承符日駝馬隨同入草年三趙村南啼杜宇

甘州一曲使人憐

西川初破沸如麻繼岌東歸慮事差定遠軍威憑劍閣  
長安客使送瓊華犒錢未必遵唐詔降表終須問李家

雕面健兒空十萬毬場馬埒事豪奢

寄題懷清臺

在南川

巴蜀本沃饒八區菴藹地鐵礦鹽池充旄牛笮馬字終  
日操牙籌卓鄭無足異咄哉寡婦清名噪秦皇帝豈伊  
獨財雄亦具兼人智恤緯窮簷發謀餐且不易賣珠還  
拔釵珍蓋搜篋筭老死無人知冰操暗酸鼻彼猶婦人  
耳所羞士顛顛倒疲飢魂矯語託仁義鄰家賣漿翁  
出門雲連騎意氣何陵人路隅笑蒙袂前揖勸治生瓠  
攬存活計君看懷清臺層構入雲際抗禮王公前倚其  
丹穴利從此學販繪有錢鞋上繫

招賢館

宋余玠所築在府城左

四子

聽松濤館詩鈔卷三

鴻泥集中

十三

西川名士多於鯽閩帥用人如市瓜三徵五召堅不起  
冉氏兄弟深咨嗟自從余玠來宣撫開館招賢禮數加  
投刺入門迎倒屣供帳絡驛紛停車奮袂低昂競論事  
隔靴癢處徒搔爬不知許事食蛤蜊璞璣無言笑眼花  
合州城當四面敵往往直擣爭蠻蝸山川輿圖歸眼底  
對踞扁門聖畫沙侵晨詣府屏人言釣魚雲頂移高牙  
綦布星分勢聯絡積粟屯兵雄鎮誇信知好士來駿骨  
黃金燕臺望眼賒爾足荒山不得去使我啼噓天一涯  
渝州八景分詠四首

北渡鶯花

春風側側剪刀裁姹紫嫣紅隔岸開一路笙歌歸櫂晚

無人不道看花來

王園春晴

舊日園亭莫漫誇  
檜籬茅屋兩三家  
雙雙蚊蝶飛無着  
來趁遊姬鬢上花

香國秋爽

不辨香痕是淚痕  
秋風吹醒海棠魂  
老僧偏厭遊人雜  
日午長教掩寺門

珊洲煙水

珊洲醉殺蓼花紅  
顛倒和衰臥月中  
絕似江南煙水媚  
一生消受是漁翁

過合江縣值雪

聽松濤館詩鈔卷三

鴻泥集中

十四

緜水奔流合榕山  
擁縣青舟如雞斷  
尾雪效鶴梳翎同  
伴詢僧臘生年值  
客星今皆篷背上  
索索蟹行聽

晉王廟

在合江縣南五里晉王唐李克用也歲旱禱雨多應

草軍鹽賊紛么麼  
喋血死戰惟沙陀  
無賴朱三值閩運  
唐家左袒王奈何  
三垂岡上鏡鬚髮  
酒悲自唱百年歌  
遺矢摧梁得亞子  
湔雪前怨投瑰戈  
獨事胡僧納頭拜  
畏遣毒龍翻滹沱  
魏川愁潦蜀愁旱  
靈作雨雹如飛墜  
殿前泥馬蹄常濕  
一鬃一點傾天河  
此地長官非旱母  
連年再熟刀田禾  
願王雨聽蝦蟆詩  
睡龍不醒他州多

瀘州諸葛武侯祠三十韻

驛館會籌筆  
滕臙此渡瀘  
南征深犯險  
大姓狡籠愚  
祀

鬼沿張魯騷邊擁拔都夜郎尊似漢儒守縛如瓠南中志瓠

閩假鬼教曰張裔府君如瓠壺可縛與吳務面跳梁患攻心折箠驅七擒鳴

鼓角十部駭蝮弧伏地齊羅拜依天請貸誅金犁盟撓

酒鐵券誓輸租流馬供糧運牽牛奉畫圖南中志諸葛亮為南夷作

圖譜又書牽牛負酒賣金寶諸之之象以賜夷夷甚重之許致生口直又與瑞錦鐵券今皆存神威先

警慄蠻俗敢枝梧化已歸滇濮功期定魏吳關張悲隕

喪伊呂力匡扶拜表陳師出分屯戒險趨牙旗森壁壘

銀燭算軍儲減食躬勞瘁班師道病列星流營角大火

熄井肩餘五丈原田舍三分國勢孤伏鷲埋蛻骨畏虎

走靈車計產贏桑畝捐軀報草廬指揮誰匹亞手教亦

超殊萬古垂雲翼千秋得水魚天心何醉夢國步總崎

嶇太息才難再中興事竟虛獐豸爭巷祭墳墓禁樵蘇

戰法遺連弩苗風戢貫錄編名如屬國合市半媿徒卽

此威名在甯非曠代無祠官虔致禱餘肉啄神鳥

客有述度鼠仙者借以感諷度鼠仙姓張自號落魄子賣鼠藥於瀘州鼠食之盡翼而飛獄吏王昌遇詫其異竊餌其藥遂還童顏逾年飛昇

度鼠仙姓張自號落魄子賣鼠藥於瀘州鼠食之盡翼而飛獄吏王昌遇詫其異竊餌其藥遂還童顏逾年飛昇

智水唐公房雞犬亦相將鼠惡不使去終朝三吐腸黥

哉懸壺子紿人殺鼠方陰實傅其翼髯飛還背翔神仙

度耗類舊案翻唐鄉居人更無奈東西任跳梁跛足欺

鼠將捋鬚稱鼠王窺鬢旋掀盜穴宅恐劫倉熏灌何所

畏逞技能飛揚偶然網獲一磔獄窮張湯餘且無庭門

衙尾肆成行是誰胎其禍得非落魄張

嘉州懷岑職方參薛京兆能二首

三度為郎兩鬢班旌麾出守控諸蠻竹藏野寺聞鐘出

參巴南舟中詩云近鐘靜野寺遠火點孤村花落公庭判牒閒初到犍為作云草生公府

談庭閒幕府流傳新檄草輪臺怕看大刀環海西萬首

從軍別愛唱蒸雲度火山

宦情如水老犍為三學山前獨詠詩種柳難拋汾上宅

舞衫新教柘枝詞歡娘八歲還相憶歡娘八歲善吹篳篥薛能贈以詩葛

相千秋獨未知薛能游嘉州後溪詩云當時葛相成何事只合終身作臥龍試問州

人誰愛樹嘉州驛館海棠時能初發嘉州題寓云惟聞杜鵑夜不見海棠時又云

州人若愛樹莫損召南詩

聽松濤館詩鈔卷三 鴻泥集中 十六

登高標望揚雄山高標山在州治西半里與揚雄山相距里許有洞深遂相傳揚

子雲所居

高標高如纛旆旆搖朔風摩眼一亭立載酒出揚雄反

離騷云纛旆旆夫傳說兮奚不信而遂行師古曰旆古攀字口吃不能語意託反騷

工為官本拓落獻賦甘泉宮草元果尙白進退自從容

美新擬封禪謬附隨棗豐投閣胡不死俾穢流無窮守

道固未堅丁時適相逢文章覆醬瓶沉思艱語蒙不得

侯鉅鹿誰任羽翼功

放舟佛腳下遊凌雲山遂登東坡讀書臺題壁

持此懺悔心如鳥投佛祖佛但笑仰天無言立江滸出

膾會不容維舟枕其股緣藤升木猿捫壁上檠鼠倒覷

目生花少休腰如杵頂踵交相摩進退了無主磨崖轟  
穹碑科斗疑岫螻酸風射雙眸欲讀手畫肚松關清磬  
敲上界落人語巖鎖白雲橫闖然僧窺戶入座盤跣跌  
佛堂日卓午谷響鳴箏絃石泉沸茶乳遂造蘇公臺出  
門纔數武芒角生胸中快向雪壁吐公文衡嶽雲公詩  
泰山兩奴莊兼僕騷躡韓且蹂杜橫飛雕鶚排勁氣金  
石沮命宮守磨蝸嶺海十年處士女驚生還魍魅誰敢  
侮有田甯不歸江水誓如許魂魄依故鄉童時游釣所  
背誦想如流書聲出廊廡安知識字憂腸腹悔撐拄悄  
然涕泗流傷心飢莫煑遲遲獨拜公一枝緩柔鱗

方響洞

舊名丁東水黃庭堅改今名

聽松濤館詩鈔卷三

鴻泥集中

十七

石竇滴丁東琤鎗玉佩同改呼方響洞山水屬涪翁

花卿廟

花卿名敬定劍南節度崔光遠之子將梓  
州副使段子璋反東川節度李旻敗走光  
遠率敬定討平之子璋旣誅敬定恃功大  
掠婦女有金銀臂釧兵士皆斷腕取之肅  
宗聞之遣按其罪杜  
甫有戲作花卿歌

君不見挾矛渡河白孝德手刺龍仙落馬鬣

史思明將  
劉龍仙健

勇自恃舉右足加馬鬣上嫚罵光  
弼白孝德躍馬搏之斬首而歸

坐由偏裨封郡王名

怖小兒旗走賊成都牙將有花卿躍馬如龍風火生戰

酣易騎騰上下飛仙著翅軍皆驚擒生踏伏聲嚼齒血

鬪體提段副使搜盪巖谷噉瞎巴

魏董紹傳蕭寶黃反  
紹上書曰臣當出瞎

巴三千生噉蜀子肅宗謂黃門徐紇曰此巴實瞎也綿  
否紇曰此紹之壯詞巴人勁勇見敵不懼非實瞎也綿

州從此屬天子正求猛士守四方卿有奇功甯獨忘草



管難民斷銀腕不如勿平段子璋

烏尤魚歌

形若鮠出烏尤山下世傳郭璞著書臺上魚吞洗硯墨故其頭都黑惟嘉州獨

烏尤魚汝何徒飲墨汁不知書額間印文點玳斑標識  
自嘉矜鯽鱸又不撻髻掉尾遯江湖戀戀烏尤潭下居  
人將涎汝腹下腴啖花唆藻空灑潯麗鬪出網何張吐  
不若東海小吏名烏賊噴雲吐墨遮其軀

嘉州多麝州人獵以爲生麝故以香累也作逐麝

行

弦拓霹靂聲箭作饑鳴叫飲羽顛貫中射父尙騰趙拱  
足如護臍探爪自抉竅於人原無爭賈害有所召鹿角  
因茸災象齒累身燒不見蠅轉丸糞壤鮮人蹈下品居  
苓通韜光庶保耀老氏云守雌慎勿事名鈞

火井舊以爲在臨邛余自瀘適嘉過字流鎮得所

謂火井者以微火投之卽燄騰上亦甚怪也

赤伏符衰火井熄諸葛噓之延頃刻至今又歷千百年  
蘊隆蟲蟲叶歌絕飢聞古井當邛州恨不前窺馬上憶  
何期故事孰輿臺字流村畔教省識暗中恐有赤龍居  
擺磨生火劫灰黑燭投不敢姑手煬釜氣騰騰灼人熱  
甚欲倒吸罌盂中撻取歸來豬脬塞誇與三家村塾師  
天地元黃理奚測傾囊大索百無有觀餅井眉何從得  
小儒目論守涇涇翻嘲熟阪經佛國

嘉州海棠

格是春風開半時，衣香帽影裊鞭絲。  
紫綿厚擁妝初褪，絳蠟高燒睡未知。  
應與昌州齊合譜，怪他工部忍無詩。  
惱人多是沉陰日，又道封章乞護枝。

戲作十短詩

短籬

窄窄柴門短短牆，又栽疎槿縛垂楊。  
突圍瘦筍添篁補，擁格肥瓠引蔓長。  
豆葉秋風啼蟋蟀，菜花春艷觸羝羊。  
鄰翁對勸餘杯盡，笑指平分月色涼。

短椿

椽杙聲聲亂石撞，公然寸木抵長杠。  
低維老枿疲牛轉，淺入平沙怒馬降。  
泊岸船頭平漲沒，隔谿橋腳跨隄雙。

三十八

聽松濤館詩鈔卷三

鴻泥集中

十九

休云無用薪充爨，攬繫宏綱仗一椿。

短綆

剖竹曾無調水符，辛勤纜綆引山厨。  
低腰宛轉爭杯勺，放手呻吟歇轆轤。  
金井夜闌發婦泣，銀瓶秋冷美人扶。  
十年螢火三冬雪，汲古詞源尙故吾。

短橈

買得蒲帆費理料，魚鱗次比撥輕橈。  
一聲欸乃聽蘭扣，兩岸軋伊背菊搖。  
獨倚寒生明月舫，相思停記赤欄橋。  
桃花漲暖歸舟駛，兒女相攜候暮潮。

短笛

莫爲春光唱折枝風前橫摩動鄉思數聲蘆蕩漁家傲  
一徑松坡牛背吹羌怨多從出塞日閨情半在倚樓時  
如椽要截柯亭竹才調驚人馬賦奇

短檠

二尺吟哦遜陸游雪窗寒焰幾經秋金釵代剔蛾投火  
玉炷潛銷鼠瞰油所惜莓苔拋屋角不堪風雨憶樓頭  
燭奴無用誇燈婢起草頻挑夜未休

短箋

一幅桃花亂屑金蜀箋名色重詞林翻開玉版書連背  
斜卷芭蕉擘到心遠訊姑留難盡語分番再續後來吟  
朶雲待要題名字角上雙魚墨占侵

短筇

安得過眉七尺筇仗他扶老養疎慵兒曹倒曳閒騎馬  
仙子橫擔試化龍價重枕椰通大夏節含霜雪傲隆冬  
高年腰腳憑添健飽看門前四五峯

短帚

拚席焚香妥客魂淨君聊與滌愁煩千金自享羞懸市  
一介求通惜掃門拂几近同揮筆勢披箕香臙瘞花痕  
王褒舊有家僮約說帚忘苕笑鈍根

短尺

點點平嵌金粟文牧之瓊尺許裁雲評量國器操三寸  
增減佳人較一分要並璣衡鏡斗宿何論規矩佐繩斤

詔賜紅牙拜

聖君

初發嘉州用東坡韻

行具何駢闐累累盡舍旃掛帆珠寺畔打鼓錦江邊  
客難爲別空回劇可憐面迎彌勒石背指葛洪川獵路  
人歸騎鹽塲鳥避煙衣冠江上送佇立水潺潺

贈賈生 成都人

賈生衣冠何了鳥噤痒酒醒寒犯曉儅奴耳語鼓隴胡  
不持一錢侏儒飽金箔雙眼生母怪世獨鮮肥助儀表

聽松濤館詩鈔卷三

鴻泥集中

三

虞翻骨相何曾屯人到貧時氣燄少贈生子夏之小冠

助生禰衡之單絞餐生夾剪之薄持 歸田錄薄持即今剪夾子酌生

瓶餘之濩倒 陳造詩山瓶餘濩倒即村釀也 生平且莫憫愴作弱顏爾

我相逢非草草眼前都是醬濁蟲放眼乾坤太山小

登平都觀 在鄂都縣漢王方平陰長生飛昇處一名仙都觀有東坡留題

昔會舟過失此山去後耿耿橫胸間茲晨乃爲風引領

盤空一綫凌孱顏擇子導遊扶抵觀 宣室志僧契虛遇擇子導遊稚川仙

府按擇子樵人也 仙碑聞出李虔撰是誰劍斫生蛟鼉年月模

糊字漫漶石刻何由知景龍 輿地碑目仙都觀碑李虔撰二仙銘薛混撰俱景龍

二年立號 惟見靈符葉篆蟲匱鑑一方浸嵐影笙竽萬

竅噫巖風我恠王方平爪思癢搔鞭蔡經不召麻姑暹

狡獪神仙豈被凡夫輕又惟陰長生蔗薪汲水依青城  
賁近椒房甘賤辱空山執役隨馬鳴古今換易如秋草  
未必山中人不老飛昇尸解談紛紛鹿駕龍車堪絕倒  
慙媿道人眼塞脂試我縑寫丹經持暗晒東坡忒世故  
掉頭龔啞伴不知百川學海東坡泊舟仙都觀下道士持陰長生石刻金丹訣就質真贗坡  
日不知也久  
之自有知者

夜泊廟磯子大風雨船幾覆天明風定悵然而作

山倒雲腳垂天黑月魂死怒吼東南來桅檣簸不已下

碇亂灘師

蜀船雇熟識水道者持碇居前名曰灘師

沉沙啼水鬼砉然作斧

聲維斷柁無尾禱呼黃魔神念佛寒戰齒挾笠且求壺

爭者堪掬指自分當葬魚斷送無生理天欲姑生之吹

入橫港裏回看面俱藍僵仆屑無紫兀守東方明理料

破行李對鏗燎濕衣隔艙拾墮履試問誰遣來一震威

至此

抵夔州謁杜文貞祠二十二韻

萬里家爲寓千秋史在詩乾坤疲戰伐弟妹哭流離道  
梗鄜州日田拋杜曲時麻鞋天子見蓮幕故人隨冷炙  
殘杯慣華簪短髮悲登牀狂欲殺跋履向何爲餘命長  
鑿託秋風破屋欺浣花聊憇息拾橡苦支持迴首風塵  
隔側身天地危揭竿重盜蜀走舸下依夔壤占東西住  
解憑左右移門隣鵝鴨惱粒斷鳳凰飢飯顆人清瘦燈  
窗鬼暗吹十千酤肆債三百草堂賁捨賣窮書籍哀吟

獨涕洟招魂來死友誦選續佳兒北斗京華望南山絳  
闕思箏絃傷老大皮骨苦奔馳得失雞蟲了飛騰虎豹  
窺脫身從亂穴爛醉是生涯正氣存風雅忠心媿稷伊  
魚龍終寂寞松柏拱山祠

下巫山

軟浪高於鷺扁舟小如履篙點岸隨流窺天亦窄我  
去今復來疲牛踏陳迹擁髻齊前迎巫山雲熟識未攜  
一果回小兒袖中索笑指纔說君噴嚏可連發

春日漫興

天欲排雲地滃雲陰晴不定露微曛燒殘心字香猶滯  
鬢透肩衣摺有紋燕子叮啞千萬語海棠開賸兩三分

三三十八

聽松濤館詩鈔卷三

鴻泥集中

三

捲簾試放東風入花氣中人已半醺

閑情三首

賣花門巷綠楊煙風脆雲嬌百五天酒醒教人何處覓  
笑聲鄰院送鞦韆

生憎鶯燕太匆匆催得園林褪鬧紅落遍闌干春不管  
有人愁倚濕鞦韆

鴨鑪檀炷冷慵添香夢蘊蘊養鼻尖無賴東風顛也甚  
撩人故意半掀簾

寄內書示所近

分明蕩子不還家裏寄當歸天一涯山上安山經幾載  
爲卿留滯肯瞞他

無題四首

小研冰藍淺襯緋唾花凝袖試春衣步搖斜鞞遮雲膩  
跳脫雙鬆減藕肥彈打流鶯嫌絮語扇兜交蝶做團飛  
情淒險被阿兄覺頰上紅潮碎步歸

娉婷不嫁獨樓居天許彭郎近小姑嗔我驀來佯斂避  
怕人猜著外生疎每敲油槁私詢字間舐糊窗聽讀書  
瓢擘霜相皮褪杏玉彊葱指最勞渠

暗咎阿孃悔鏡臺終朝流淚界香腮六丁不遣追鴛牒  
雙璧何由錯鳩媒癡想延津猶合劍爭教劫地莫成灰  
飛龍藥店惟存骨試把相如渴病猜

一窩心事上眉尖裙帶朝飛蟪子占嚙臂三年塗守蛻

三子子九

聽松濤館詩鈔卷三

鴻汎集中

三

誓心七夕對明蟾狸奴偷暖橫眠毯鸚鵡催呼早下簾  
應恠銀河離別易工夫日減繡慵拈

往高唐觀塌碑不成而作

臥傍荒臺碧蘚滋雨淋日炙幾經時憐他絕代風騷手  
賸得糝糊没字碑

蛟鼉斫斷費疑猜獨立墻陰看幾回千本任摹摹不上  
非因夜半動風雷

神女祠

畫衣泥剝脊蛛絲日夕寒鴉噪古祠草木有情齊欲語  
雨雲無夢怯相思神巫雜祝喧村鼓少女靈風卷座旗  
獨向墻陰尋斷碣犍牛礪角草離離

花市東風捲笑聲衣香人影圍錦城城南尺五走雕轂  
大家約去嬉春晴金翅蛾髻晨梳起熨紅勻白點螺子  
溜釵出整重回房笑問時粧可如此團團簇定鞠場圓  
袖中齊拋白打錢纔笑撞竿舞鮑老又隨金彈落韓嫣  
被人看殺飛紅暈佯作兜鞵更掠鬢眼波纔動忙收回  
暗恐腰纖裙慢褪橫斜小徑通桃園鄰女邀入相寒暄  
鸚哥軟聲催送客黃耳搖尾怯當門出門迎面梵王塔  
前看經鶯與座鴿願留金彊供佛龕願繡長旛金花貼  
東風輕薄掀人衣城角池頭花亂飛囚人天氣嬌無力  
雛侍扶肩落後歸卸脫紅粧著半臂迴身吹送香蘭氣  
待把遊踪說從頭猛可記問郎餐未

聽松濤集卷三

鴻泥集中

三

夏日玉臺八詠

摹荷

乍經疎雨打團荷水色天光淨熨羅張織愛擊青玉柄  
弄珠搖走水銀窩鉤衣藕露肥差減蹙步蓮生小較多  
面對瓊粧羞自許六郎清瘦指如他

削瓜

鎮心餘熟嚼瓜降抱蔓歸來早歧窗旋去聲學和糖調玉  
匕先催昏水浸銀缸紅瓢醜切催嘗片紫實巾蒙戲賭  
雙薄似葫蘆剝剔透鐙毬巧樣借青腔

刺繡



皺卻葵綾費火功熱申防暈熨從容連腮帳底輕拋翦  
局膝屏前倦理絨鸞鳳倒描心自會鴛鴦偷譜態難工  
長旛繡佛酬私願醫斷餘絲唾壁紅

鬥碁

簸錢纔了對碁邀清簞疎簾永晝消畫紙爲枰層摺算  
拋囊作賭斬新挑行斜似雁忙爭劫局亂推鴉恥索饒  
最是凝思拈瓦子熨磨巾角磔魂銷

攤睡

斜倚銀屏睡思醺落釵敲著枕函聞橫陳玉體遮衾角  
淺印紅渦帶簞紋望望三竿驚過午騰騰一晌記爲雲  
星眸淺溜剛移步整頓衫襟已皺裙

淪茶

舌本甘回支枕頭松風破夢響颼颼煎牙試剖龍團餅  
潑乳勻揩兔褐甌渴甚文園能箇解漿如仙窟復何求  
今宵約看南樓月減睡還須不夜侯

試浴

背燈輕卸睡時妝四上窗紗閉曲房隱箔微能窺合德  
排門不敢學開光十匙兼贖桃花雪一捻新搓藁本香  
倦似芙蓉出水媚蕉衫重汗坐風涼

趁涼

曲繞闌干度碧叢窄衫團扇撲螢紅庭陰側挂梧桐月  
墻畔濃熏茉莉風露坐偎肩涼灑浙天文信口意玲瓏

銀灣清淺隔牛女不及人間有路通

視病

一自青鸞信息無花啼玉瘦淚珠枯欺寒帶縮丁香結  
禁瘡釵懸翦綵符商藥掉頭祈佛佑下牀擡手倩人扶  
休因嫁晚情懷惡貸聘拚量十斛珠

小別

攔石腰前艣一枝金牋小寫問旋期記程休檢婁羅歷  
紅豆秋風轉櫂時  
搵將香淚裹鮫綃留與珍珠伴寂寥一樣情懷分聽雨  
孤蓬箬葉冷窗蕉

入大甯河泊舟巖下

聽松濤篔簹鈔卷三

鴻泥集中

二十七

衆木生夏寒綠陰盪人影擁螺十二峯窺客晨粧靚罇  
流一線盤會不容煙艇偈入牛角中迴旋鑽窄境響溜  
洞心開脩蛇腹穿嶺檝篙與之爭負緯增短綆齒齒聲  
相戛浪吞又如哽數間尖頭屋斜斜露山頂夜泊傍西  
巖乞火柴門打信步躋其顛始覺雙目迥

白鹿泉

一名龍池在大甯厥爲煎鹽之所明代將軍獵鹿至此飲泉始知

鹹泉溜破碧玲瓏竹筧分流綫路通萬竈熬波盆刮素  
三升謹筴斛輸公牙郎罔利惟通販繖子呼名不道戎  
大甯鹽如繖呼爲繖子鹽可惜前朝慳國用和羹事讓武人功

衡家澗觀瀑

仿佛空中走白龍懸巖界破薛痕濃出山畢竟歸滄海

添浪何須吼峭峯濕濺蕉衫飛點點寒侵葛屨透重  
惡詩先與徐凝洗一盪平生壘塊胸

飛石行

有引

大甯鹽場居萬山中因巖爲丁天昏雨晦巨石圻  
崩往往行路居民壓爲糝泥余駐足不及半月而  
三見其事卒無徙者可見利之所在雖死不畏也  
因作飛石行

鹽池產鹽賤如土羶趨亭戶雜寫戶鑿扉懸壁蝸殼粘

獨畏布衫趕船虎

長布衫趕船虎皆鹽場無賴混號

豈知虎來猶可撻

毒龍揭石誰能生撞翻天柱拆地軸礮礮走下轟霆聲  
勢疑東落忽西擊壓倒屋梁獐鬼立沙飛雨射無從逃  
人化骨糝和肉汁衾牀一夜起五遷草木風聲何敢眠  
直爲黃金賣性命蠅頭得失俱堪憐人間原自饒善地  
死中覓活詎長計老叟搖手勿復言僕居巖前已五世

將返巫山先寄

平安兩字最關心燈下催成早寄音小字赫蹏花押倒  
庾詞擗角印紅深的知井畔先魚剖但恐橋頭有雁沈  
勞問寒衣毋再寄倦遊人似暮歸禽

擬古意

婉轉魚子賤難盡心頭事旣見翻無言剛道歸一字君  
歸未妨遲妾老誠覺易秋風吹枯桑化蝶舞難媚雲英  
人在室貌恐蹙棄感此凋紅顏終朝面洗淚再四看

寄書纏綿語猶記况復除蚱威書至君隨至

間砧

一杵一聲急聲聲寒在衣衣邊寒已到遊子胡不歸望  
望前江水秋減三尺肥定知儂門外練石搗苔磯登樓  
撫瑤瑟素手冷金徽坐彈未竟曲目送秋鴻揮徑欲生  
羽翼一身兩處飛

秋夜聞雁

酸風吹入雁聲哀屈指交秋半月纔憂響暗飛商櫓過  
吹燈疑載鬼車來稻梁身世江湖濶霜月程途羽翼摧  
欲寫家書難下筆南樓清影獨徘徊

秋興八首用杜韻

聽松濤館詩鈔卷三

鴻泥集中

无

大末涼風著晚林灑人毛髮動清森園亭細雨孤花病  
城郭斜陽短草陰劍外單衣邊將淚篋中團扇美人心  
銀缸燄小金鑪熄簷馬丁東和練砧

十二巫峯擁髻斜等閒留住擲年華藍橋隱約敲霜杵  
銀浦沉浮犯月槎褚令銷魂彈別鶴文姬咽怨訴鳴笳  
大公肯破人岑寂且放神仙頃刻花

勞生草草報慈暉潔養難言束廣微盼斷塞鴻憑遠寄  
將成巢燕苦低飛陽關送客離心逐京口移家宿願違  
悵望園塍驚歲晚黃瓜零落紫菘肥

身似浮漚局似棋商聲到耳黯生悲白成毛羽看明月  
青戀頭顱許幾時磨蟻虛生隨疾轉隙駒無計勒驕馳

手摩銅狄流鉛淚杯酒功名兩繫思

哀望江南庾子山支離漂泊蜀雲間會題橋柱難歸里  
豈棄符繻畏入關寒氣襲人撐鐵骨西風遲客妬朱顏  
平生詞賦多蕭瑟焚筆從戎擬學班

細腰宮傍郭西頭碧褪香銷一色秋瘦蝶啼蛄遺址弔  
鸞蛾蹙翠曉粧愁能談時事惟歸鶴不管興亡有睡鷗  
東去夜深歌舞地紅牙銀甲按涼州

秣歸南下竟無功七百連營捲峽中象馬高騰瓜蔓水  
牛羊低逐稻花風犁翻箭鏃苔斑紫燒斷橋梁榭葉紅  
贏得天彭分井絡酸辛遺廟杜陵翁

迴廊曲檻自延迤儻宅西橋瞰燕陂刈稻鴉孃爭露穗  
收柑櫻父奪霜枝客心漸作梧桐老生性愁爲枳橘移  
獨倚高樓聞玉笛舞餘冠袖任儻垂

閒遣

木棉裘薄鬥風驕肌粟寒生怯滂朝半醉蜻蜓粘紫蓼  
雙棲蝙蝠捕紅蕉脆聲鏘齒梨漿冰土去聲濕皎流脂柿葉  
燒開賸籬邊三兩朵含愁如訴海棠嬌

秋夕

瓦溝微白已飛霜照見蛛絲月轉廊隔舍喁喁鹽米事  
婦姑通夕自商量

感喟

旁撓何能怨蹇脩瓊亭縫頂枉營籌前言旦旦尾生誓

交言申申頹女髻燒斷心香蟾鬢鎖拳開額慢燕窺鉤  
誰人青鳥傳紅簡千騎歸來待上頭  
人間勝事苦蹉跎饑眼中間妬眼多萬劫千愁都過了  
三心五噉奈緣何險粧紅拂甘宵騎俠氣黃衫畫遞馱  
精衛終填滄海滿休教蹙損淺檀蛾

示趙姬

桃根桃葉鎮相尋打槳迎江不礙深避面原非邢尹意  
阿翁底事太關心

教人遲歲拜青廬怨殺青溪蔣小姑天若有情天亦老  
卿卿緩頰可能無

三才

帳別四首

周母願以已女下趙議方定而太父遣足催歸乃與女爲二年約分持玉石爲

聽春濤集詩鈔卷三

鴻泥集中

三

信而別

滿酌紅螺拂素徽尾聲愁唱阮郎歸紗封繫臂丹留點  
縷結同心帶試圍粧閣神釵經歲化奩臺破鏡上天飛  
唾壺冰淚如凝血收裏行囊渾色衣

帳裏紅絲亦偶牽鴛鴦牒注短姻緣寄金甘待韓翃接  
就木愁拋季隗年經卷藥爐新位置錦囊香帕舊纏綿  
懸腰左右雙魚覓贈與分持記石堅

此去交催上薊京長安日遠要兼程春風走馬知無分  
細雨騎驢老一生江水相望羅噴曲楊花莫效蹋歌聲  
杏園紅鬧來三月盼斷泥金恐累卿

又聽統如曉鼓拋癡心相送繞津涯早除黃幔先登閣

暗囑青帷莫閉車中婦悵憐如小婦歸家情緒甚離家  
迴頭尙見憑欄立燕子坡前望眼餘

別巫山旅館主人二首

路遙鄉夢斷客从主情親疑事都商我常供每過人詩  
抄能學語衣典代愁貧欲別難爲別登舟淚灑襟

此去書難到吾歸約再來燕巢依舊幕鸞影下高臺萬  
里江程濶三更漏點催翦峯猶在望月色共徘徊

巫山曉發

隔歲無消息今朝決計歸疎星流古渡落月澹征衣岸  
澗雞聲合江空雁影稀人如天上坐綠漲水初肥

日出推篷看雲山管送迎艫搖煙乍破舟動岸先行村  
落遙疑畫郵亭代記程亂濤如滾雪愁絕下灘聲

三十七

聽松濤館詩鈔卷三

鴻泥集中

三

過新灘

雙崖對峙鎖潮門日色朦朧晝亦昏古樹呼風沙亂走  
中流立石浪橫吞燒錢私祝殘灰舞打鼓頻催衆口喧  
漫說危途安穩過要憑忠信定驚魂

新堤阻雨

孤舟暫泊楚江濱風雨蕭蕭愁殺人蠟屐來沽前市酒  
桃花飽看一年春小船撐槳穿煙出隔岸籠燈喚渡頻  
坐擁黃紬難熟睡愁腸展轉似奔輪

車灣遇風

車灣水勢抱荆門中有蛟龍窟宅尊黑霧漫天翻石燕

黃沙作雨拜江豚  
維舟弱纜身如寄  
拍岸狂濤勢欲吞  
轉眼雲端開霽色  
長年三老慰驚魂

重登岳陽樓

惡說南風日打頭  
維舟再上岳陽樓  
城根白浪黏天湧  
星沸湯餅月滾毬

岳州八詠

洞庭山水一州奇  
要在層樓俯瞰時  
天遣才人描畫盡  
仲淹篇記杜陵詩

酒香山上酒香亭  
出浴仙娥擁髻青  
誰鼓么絃翻別調  
西風拉瑟語湘靈

歸魂不渡大江東  
玉骨寒銷浪影中  
陡作絳袍銀甲捲  
二喬夫婿本英雄

龍妃夜出閃湖燈  
簇擁紅粧踏浪層  
自別涇陽音信斷  
遍敲祠橋少人膺

鼎湖四面長蒿萊  
誰見遺弓墜地來  
愁絕蚩尤三里霧  
靈旗空卓爲吹開

三湘流水日滔滔  
莫作靈胥白馬濤  
千載招魂惟宋玉  
蘅紅杜碧寫離騷

章臺娉媵逞輕盈  
一捻纖腰掌上擎  
誰信帶圍能餓減  
楚宮疑案未分明

橫吹鐵笛響空山  
龍化人來問大還  
願作水仙何待藥

枕中肘後會全刪



歸舟過長沙

歷盡黃牛白馬灘荆門東下水漫漫春潮帶雨江聲大  
曉霧成煙日影寒楚艤輕如杯上渡定臺遠似鏡中看  
兩年前向此間過兔躍烏飛一指彈

戴慶堂納姬索贈

銜花銜粉助嬌姿忙煞蜂兒與蝶兒杜牧顛狂無一贈  
教他聽乞紫雲詩

題李春林雙柑聽鶯圖

桃花如醉柳如癡印破蒼苔坐幾時春事堂堂過八九  
一分留住說鶯知

那管春閨夢不成禁拋紅豆打流鶯來時洗淨箏琶耳

二少九十一

聽松濤鐘詩鈔卷三

鴻泥集中

三函

要聽調簧第一聲

枝頭恰恰勸提壺小榼三升酒半沾還剩杖頭蚨百個  
買春明日再來無

丁丁伐木響雲間薄暮肩樵共醉還畫上獠奴雙赤足  
攜柑真似戴公山

後出門

無用寄大塊翻爲雲萍身歸家勸勿出勿出難耐貧譬  
如聞鈴馬監耳思邊塵譬如打包僧趺坐無定神矯首  
望衡嶽九面雲鱗敝逝將從懶殘一問今生因

石廩峯歌

在衡山形如倉廩有二戶一開一闔湘  
中記云開則歲歉閉歲豐

我來萬里騎長風絕壑嘯雲層盪胸高插青昊如米湧

東南石廩接祝融兩門對峙雙關鑰常以開闢覘豐凶  
維籟有箕量有斗天倉天困化爲堯堯峯不知富媼何  
年峙廡積陳陳相因粟朽紅旣稱粟朽紅何不家量貸  
區鍾乃請發棠轉運敖倉空

望衡嶽

七百里山九背向包天絡地難爲狀羣峯環列作附庸

秩視三公神氣王上有石廩雙扇開翠鹿靈禽爭倚傍

下有蓉峯匹練懸雲蠶雨虎各跳盪開山圖南嶽有雲師雨虎註雲師如

蠶長六寸兩虎如蛹長七八寸攝位火鄉司燿烜肅靈齋官輯圭鬯羣

真來往夾雲翔鸞鶴繞飛香煙上獨餘紫葢不肯朝樹

綠南嶽諸峯皆朝祝融獨紫葢一峯勢轉東去小國爭長遙相抗下瞰砦呀氣

聽松濤鏡詩鈔卷三

鴻泥集中

三五

已吞勒回奔馬拗頭望我仰船脣作臥遊銀濤奔涌天  
清曠恨無十轄牽六鼇遙揣仙奕賭雙繡東西奔走竟  
何爲默坐無言意惆悵他日不結李泌廬亦須圖描宗  
炳障

响嘯碑用昌黎石鼓歌韻

响嘯神碑高八尺僧持拓本勸作歌字青石赤喻者少

欲讀嗟如箝口何有時針懸丁不屈有時波磔戩缺戈

強借偏傍推點畫毛生紙背空揩磨昌黎嗜古今已没

誰好事者勤搜羅日搨千本搃萬遍駢壁火射紅嵯峨

滄桑八世幾更徙依然聖蹟留山阿夜深往往風雷作

豐隆顧叱飛廉呵虎拏蛟蟠爪甲透鸞飄鳳泊翎尾龍

南瀆衍亨成句讀篆文鬱律走蚪蚪憶昔禹王奠川岳  
車馭神龍梁駕鼉半枯偏跳股無腋遍涉冰津攀炎柯  
手秉藁垂剔九道河源未得通星梭激浪漂山氏相柳  
飄風疾雨神操蛇九尾瘡瘡候人詠龔山遙立嘖神娥  
轆轤通道不得助嵩山石淚流滂沱蒼水使者衣赤繡  
弭節覆釜驂羲和刑馬齋宮發宛委銀編玉字皆金科  
召集羣靈鎖水恠庚辰豎亥佐命多後人少見疑虛誕  
分明馬背腫駱駝豈知神力助神功不攢不挖門三過  
告錫元圭鐫山骨巖沙大石相磨磋鎮壓不獨魑魅怖  
光恠幽發埋鴻波沐日浴月刈稜角夙夙肩跌平不頗  
自從祖龍移周簾九鼎入泗何論佗望祀禹王上會稽  
頌功刻石何媿媿湘山遭屠草木赭縱遺撰刻甯摩挲  
神物義不污秦垢留與千載臨風哦立觀且駐率更馬  
計值肯易羲之鵝平生畜眼窺未有可覆盤孟鎮剎那  
獨恐蘭亭偷蕭翼儘堪廬頂藏劉軻他日持此佐三策  
宣防瓠子疏黃河鐵龍爪法真兒戲古書不用誠蹉跎

舟抵衡州

亭閣波心塔煙末趁岸猶聞艫牀撥十指懸槌晨凍僵  
霜篙著手滑欲脫信知昨夜衾生稜迎面風刀定如割  
此輩掩骭纔單衣呵凍噤痒傭力活腐儒非織尤非耕  
僭擁渠搜鼠毛褐猶自探篋加重裘貪癡惜無臨濟喝  
城上烏啼尾畢逋歲暮天寒鄉心濶平生到處作閒遊

大風吹海身如沫佳山佳水皆吾友  
飲眼慰饑思療渴却慚石鼓浪得名  
培塿無松一簣撮

衡州雜詠八首

謂龐統劉巴習鑿齒羅合杜甫李泌李芾趙淮也此數人者或仕於衡或寓於衡故詠之

兼道成都襲前驅  
雒縣催伏龍  
紆上策  
展驥鬥高材  
流矢關天意  
穹碑動國哀  
襄陽耆舊傳  
開卷幾徘徊

南國多佳士

西州負重名猜嫌緣詣許  
輾轉恨依荆降

意交兵子

零陵先賢傳張飛嘗就巴宿巴不與語諸葛謂宜少降意巴曰大丈夫如何與兵子共語

乎從遊屈帝甥

先主遣周不疑就巴學巴答曰今賢甥推鸞鳳之豔遊燕雀之宇將何以啟明

之終輸法孝直才畧欠縱橫

主簿甘微秩襄陽有半人

符堅破襄陽獲釋道安與習鑿齒與諸鎮書曰昔晉氏平

吳

聽松濤館詩鈔卷三

鶴沈集中

三七

吳利在二陸今破漢南襟期何俊邁  
腳疾竟沉淪誤活獲士裁一人有半耳

隨胡騎生還作晉臣  
春秋尊蜀統著論  
獨精純

自是湘中秀聲名  
冠耒陽叢蘭徵德行  
大鳥助文章  
効

事猶全謝憐才獨避楊  
三閭洲上屋織葦  
戀江鄉

老作無家別饑惟一集  
存鴻波行水厄牛酒送  
詩魂月

黑楓林慘雲霾草色昏  
天荆連地棘藁葬傍江村

獨抱仙真骨留居顧議官  
燒梨中使賜撥芋老僧餐  
克

復神州易調停骨肉難  
茅廬衡嶽頂指點到今看

許國全家命登陴四面  
攻饗軍齊誓死夜號暗書  
忠稟

稟殊雌節錚錚有祖風  
頭顱紛義士血染一州紅

樹填遭囚日瓜州拒守時  
招降欺敵帥死事數男兒半

壁聊存趙長城不愧葵淮卽丞相匡山同一哭毅魄捲葵之從子靈旗

歐陽南溟惠酈酒十瓶

香風吹凍酈湖淥使者叩門聲剝啄囊頭著帽十輩來  
封坼黃泥瓶注玉往時持盞先醉心騰騰力不勝枵杓  
如今蘸甲嘗醞酬浮蛆未暇脫巾漉細點蟹臍糟透香  
大嚼斲肩柴罨熟感激故人情意深自笑不負彭亨腹  
留壓舟尾澆詩腸誇載青州從事六

贈衡僧闢塵上人

有唐宗上人以詩爲佛事脫口無推敲隨其興所至往  
往妙語言如說如來偈結交遍名公深者白居易闢塵  
阿禿師清談有禪味卓錫衡嶽巔東林齊已嗣蚊子釘  
鐵牛詩祖寒山意新本出袖中抗顏師一字成團也大  
難聚沙語默契用力磨青磚了心成佛地勿爲文字牽  
遺留蔬筍氣

